



記 行 旅 西 陝

置位之上史治國中在西陝附

著 齡 桐 王

TRAVELS IN SHENSI

BY
PROF. WANG TUNG LING

任邱 王桐齡著

陝西旅行記

文化學社印行

大 學 高 中 適 用

◀ 中 國 史 ▶

本書係王桐齡先生精心結撰之作，關於歷代文化，政治，軍事，商業，外交，以及文學之變遷等，言之特詳，每章有序論，有提要，有註釋，有引證之參考書，最便於學者之研究，其眉目之清醒，及材料之豐富，為史學書中所罕見。

第一編一元二角
第二編二元五角
第三編二元

中華民國十七年二月出版

陝西旅行記

定價大洋五角

外埠另加郵費

著者 任邱王桐齡

發行者 文化學社

印刷者 文化學社印刷部

總發行所 文化學社

北京興華門前

電南四五八零

寄 售 處

- | | | |
|---------|---------|--------|
| 北京博益書社 | 正定中華書局 | 南京南京書店 |
| 北京景山書社 | 太原晉新書社 | 廈門新民書社 |
| 北京佩文齋 | 奉天李洪章書局 | 雲南益友書社 |
| 天津直隸書局 | 長春中華書局 | 重慶重慶書店 |
| 開封豫郁文書莊 | 上海開明書店 | 成都新學社 |
| 綏遠明善堂 | 蘇州振新書局 | 廣州中山大學 |

▲版權所有 翻印必究▼

序

古云：「讀萬卷書，行萬里路，」蓋學問與經驗並重，非身入其中，實地踏察，細心體會，不能得事蹟之真象也。況歷史與地理有密切關係，研究歷史而不知地理，則一切史蹟皆無着落；「秀才不出門，能知天下事，」只可當作美談，不能認為實事；三家村之冬烘先生，開口三皇，五帝，三王，五霸，閉口三宮，六院，五府，六部，口講指畫，眉飛色舞，有如目睹；而地點不清楚，年代不確實，道聽塗說，捕風捉影，鏡花水月，海市蜃樓，紙上談兵，空中作字，雖有史事，等於小說，識者哂之，而亦深諒其不得已也。余前半生爲東西南北之人，僑居東瀛者逾十年，蓬萊三島，遊歷殆遍，寄居京津保之間者幾二十年，內地各行省，奔馳過半；中間或以公務，或以私事，周歷一處乃至數處，逗留數日乃至數月，行蹤所至，凡當地山川之險易，道路之遠近，氣候之寒暖，土壤之肥瘠，物產之多寡，人口之疏密，吏治之隆污，風俗之美惡，教育程度之高下，交通機

關之良否，凡目所見，耳所聞，身所經歷者，大都分時，分地，分種類，略有記載；其中一部分，業經各報紙及雜誌登載，而棄置故篋中，果蠹魚腹者尙不少，同人憾焉。學友邵硯田君，力勸余公表於世，供地學家及旅行家之參考，乃少加整理，交文化學社陸續出版。其中第一編爲遊日本之作，定名曰日本視察記，第二編爲遊近郊之作，第三編爲遊山東之作，第四編爲遊河南之作，第五編爲遊陝西之作，第六編爲遊江浙之作，各定名曰某地旅行記；皆短篇，最長者不到十萬字，最短者約二萬字而已，不合訂爲一部者，取便於購置攜帶也。昔者孫興公想天台山，而作天台賦；白樂天思浙西數郡，而作想東遊詩五十韻；宗少文好遊山水，西涉荆巫，南登衡岳，有疾還江陵，歎曰：「老疾俱至，名山恐難徧睹，唯澄懷觀道，臥以遊之，凡所遊履，皆圖之於室，謂之撫琴動操，欲令衆山皆響；余之整理舊日記，亦猶此意也。余老矣！二年以來，受俗務牽掣，足不出國門一步，自愧生長北方鄉間，少而失學，老大無成，獨此區區，差堪自慰。

；「野人有美芹，願獻之至尊」，世有嗜痂之癖者乎？盍各購置一編，以供茶餘酒後消遣之資可也。是爲序。

中華民國十六年十月二十五日王桐齡自序於燕京大學教員寄宿舍

陝西旅行記

凡例

一，本編內容：第一章，第七章爲行程日誌，第二章，第四章，第五章，第六章爲視察，惟途中視察，附載於第一章第七章中。

二，本書所載，皆係目見，無耳聞者；其中有諮詢朋友加以說明時，則附載其人之名，以表示不敢掠美。

三，陝西地大物博，非短期所能調查；著者個人能力有限，管中窺豹，只見一斑，尤爲識者所哂。但自信內容尙確實，不敢作捕風捉影之談；其有見聞未周處，客俟再版時補正；大雅君子有熱心指教以匡所不逮者，極表歡迎。

四，編中間或登載有關係之古詩或今人詩以增興趣，以博讀者一粲。

五，諸題下之小字爲引用之詩集名及卷數頁數之略字，如「中，六，十四」，爲唐詩中晚叩彈集卷六第十四頁之略字，「中續，下，六，」爲唐

詩中晚叩彈集續集卷下第六頁之略字是也。

六，本編第五章第六章附載之終南山，華山兩植物表，係老友李幹臣代作，附誌於此以表謝忱。

七，本編由石峯生落合英次二君譯爲日文，登載拓殖研究會所出之拓殖文化第八號內，有願讀日譯者，請購原書以供參考。

八，本編所用之符號列左：

1. 、 爲一短句。
2. ○ 含有數短句的一長句。
3. ， 句中一頓或一讀，即半句點也。
4. ； 含有數短讀的一長讀。
5. : 冒下文。
6. ? 疑問。
7. ! 驚歎。


8. ∴ 刪節。

9. 『或』 』 引用成文或成語


10 | 註解

11 ○○○○ (字右旁的聯圈) 表示篇中重要句

陝西 省 圖



長安省城圖



王氏遊記目錄

序

一—三

第五編 陝西旅行記

凡例

一—三

第一章 赴陝行程日誌

一—二三

第二章 長安之觀察

一五—三八

第一節 長安之建築

一五

一，學校 二，官署 三，寺觀祠宇 四，一般建築物

第二節 長安之市街

二—三

第三節 長安之實業

二—四

第四節 長安之教育

二—五

第五節 長安之市政

二—六

第六節 長安之交通機關

二—二

第七節 長安之宗教

三三

第八節 長安之風俗

三三

第九節 長安之古蹟及古物

三四

第十節 長安之飲食

三六

第十一節 長安之土產

三七

第十二節 長安之植物

三八

第三章 著者到陝西之任務

三九

第四章 咸陽古帝王陵之參拜

四一—四四

第五章 終南山之觀察

四五—五九

第一節 南五臺之名稱及其區域

四五

第二節 登終南山旅程日誌

四六

第三節 終南山概觀

五三

附終南山植物表

第六章 華山之觀察

六一—九二

第一節 華山之區域

六一

第二節 登華山旅程日誌

六五

第三節 華山與他山之比較

八〇

甲，華山與終南山之比較 乙，華山與泰山之比較 丙，華山與

北京西山之比較

附華山植物表

第七章 歸途日誌

九三—九七

第八章 結論

九九—一〇一

陝西在中國史上之位置目錄

總論

第一章 陝西之地勢

三一七

第一節 四至

三

第二節 自然區域

三

第三節 政治區域

五

一，當代政治區域 二，歷史上之政治區域

第二章 陝西在中國文化史上所佔之位置

九一—八

第一節 文化發源地之簡單條件 世界之文化發源地

中國之文化

發源地

九

第二節 陝西在中國文化上之創造品

一一

一，著作 二，制度 三，建築 四，器具

第三節 陝西當代之文化

一五

- 一，實業 二，教育 三，市政 四，交通機關 五，宗教 六，風俗 七，古蹟及古物

第四節 陝西文化退步之原因

一六

- 一，森林斬伐之結果 二，人民苟安之結果 三，中國首都遷移之結果

第三章 陝西在中國政治史上所佔之位置

一九—三八

- 第一節 帝王發祥地之簡單條件 中國境內之帝王發祥地 一九

第二節 中國歷代政治史上之陝西

二〇

- 一，周室勃興時代之陝西

- 二，秦室勃興時代之陝西 崤函對陝西之關係 漢中在陝西之價

值

- 三，楚漢戰爭時代之陝西

- 四，匈奴侵入時代之陝西 綏遠對陝西之關係

五，蜀魏對峙時代之陝西 秦嶺山脈在戰爭時之價值

六，五胡亂華時代之陝西 匈奴鮮卑氐羌之割據

七，南北朝時代之漢中

八，隋唐時代之陝西 陝西與甘肅之關係

九，宋夏對峙時代之陝西 党項之侵入

十，宋金對峙時代之陝西 陝西三道之分裂

十一，元代之陝西 陝西三道之合併

十二，明代之陝西 蒙古之侵入

十三，清代之陝西

十四，當代之陝西 回教徒之雜居

結論

現在陝西在中國之位置

三九—四一

四一—四二

陝西旅行記

任邱王桐齡著

第一章 赴陝行程日誌

民國十三年七月七日晚六點，由北京西城察院胡同十五號敝寓乘人力車赴西車站。

此次赴陝，係應西北大學，陝西教育廳合組之暑期學校講師之聘，原約與師範大學生物學教授李順卿幹臣同行，屆期，幹臣因率領本校博物系三年生赴山東青島，博山，大汶口等處採集標本，阻於潮水，未能即行採集，不得歸；乃單獨赴西車站，與西北大學招待員，北大哲學系三年生，韓城王捷三晤面。同行者爲教育部僉事會稽周樹人豫材，晨報記者會稽孫伏園，京報記者費縣王小隱，天津南開大學哲學教授崑山陳定謨，人類學教授鐘祥李濟濟之，西洋史教授邵陽蔣廷黻，基泰公司工程師

關頌聲，鄧偉光傑臣，郭如松，沈汝楠柳生，天津南開大學社會學系畢業生樂亭劉鴻恩，共十三人，陝西省長駐京代表，衆議院議員，陝縣郭光麟伯勇，在西車站膳堂，設西餐送行。

十點，由西車站乘二等車出發。

由前門至鄭州二等車票，大洋十八元一角，外加特別快車費洋二元一角，床位費二元，共二十二元二角。車上每四人一室，左右各二床，分上下二層，有寢具，電燈，電扇，設備甚周到，較京奉頭等車無遜色。車上備有西餐，菜皆適口。

自順德至鄭州，途中多白地，僅有高數寸之小苗，旱象已成，雖以後再落雨，恐秋收亦無望矣。

八日午後，過黃河橋，遇大雨。

黃河橋久應改修，因無款，故延期，途中車行甚緩，人有戒心。

四點二十分，至鄭州，住大金臺客棧。

大金臺客棧，每室二床，二人同住一室，每日每人大洋一元，一人獨住一室，每日大洋一元二角，屋雖不甚宏敞，然有床，帳，棹，凳，盆架，無蚊子，臭蟲，跳蚤，亦可謂難得矣。晚餐有粥，有飯，有饅頭，菜尚可口。惟廁所太狹隘，蒼蠅太多，臭氣觸鼻，令人作嘔。中國人習慣，講吸收不講排泄，一歎。

九日午前九點半，赴車站，買三等票，上二等車；因隴海鐵路，每次列車頭二等僅各有半輛，——一車分爲兩截前爲二等後爲頭等——而時常爲不買票之軍人占滿，余等本欲買二等票，站長令余等買二等票，上二等車，若能佔有座位，再行補票；余等從其言，上車以後，幸尚有座，乃各再買二等票一張，——連先買者人各有二張三等票——作爲補票，價錢大洋陸元四角。十點四十五分，開車。自此往西，經過滎陽，汜水諸驛，而至虎牢關，循外方山脈北山麓西上。山不甚高，有土無石，有草無木，墜道甚多，一望皆黃土層，——黃河流域之沖積層——人家多在半山上，或斜坡上穴居，古人

所謂「人家半鑿山腰住車馬多從屋頂過」者是也。經過鞏縣以西，遂至洛陽平原，四面有山，——東南爲外方山脈，西南爲熊耳山脈，西爲崤山山脈，北爲北邙山及黃河——中有伊洛二水通流，幅隕雖不甚遼濶，然形勢甚佳，土壤亦甚腴也。由洛陽而西，經過金谷園，新安，澠池諸驛，皆古來歷史上著名之地。再西至觀音堂，又入山地，——崤山山脈——自此往西，經過峽石驛，張茅鎮諸驛，即古來所謂嶮函之地，路愈險，山愈高，谷愈深，墜道甚多，高山深谷交錯，故墜道與鐵橋相連絡，往往纔出墜道，便過鐵橋，甫過鐵橋，又入墜道，至於鐵路兩旁皆峭壁，或一旁爲峭壁，一旁爲絕壑，火車由其中間通過者，更數見不鮮也。峽石驛之東，有一長墜道，約四里有奇，火車凡行七分鐘始通過。聞隴海鐵路，在民國八年以前，已通到觀音堂，所以不能即行修到陝州者，實以此墜道工程太浩繁之故。洛陽以東，河流缺乏，鐵路兩傍皆土山；洛陽以西，河流較多，山亦土石參半，觀音堂以西多石山，山與谷相交錯，谷中有小平原，平原中有

小河流，風景絕佳，頗似日本；所最爲憾事者，則山上無樹，一望皆灰黃二色，僅有小河流點綴其間，河流兩岸皆農田，有草，有樹，有禾稼，差覺怡情悅目耳。

晚十點半，至陝州驛，西北大學講師，陝西省長公署秘書，平鄉張毓桂辛南，陝西督軍公署副官，駐陝州辦公處主任馬思駿金臺，陝西督軍衛隊團騎兵營獨立排排長牛冠斗星南來迎，駐耀武大旅館，屋內設備雖異常簡陋，而無蚊子，臭蟲，跳蚤，亦可謂難得也已。前北大理科學長杭縣夏元璪浮筠，東南大學國文系教授鹽城陳鐘凡斟玄，經濟學教授渭南劉文海靜波，先一日到陝，亦駐此處，約定同行。

自鄭州至澠池，皆黃土層，地甚肥沃，而亢旱殊甚。洛陽以西多小河流，秋禾尙可觀，以東多白地，有小苗，僅高數寸，秋收無望矣。土含鐵質，色帶紅，皆立土，甚堅固。人家傍山或阪，鑿洞以居，土人名之曰窖。

十日午前八點，發陝州，由黃河乘船，溯流西上，向潼關。

陝州爲水陸通衢，州南門外爲大道，北門外爲黃河。自陝至潼約一百八十里，——土人謂一里等於平常里數一里八分——謂之大里——本可坐車以行，然山路崎嶇，顛播殊甚，久旱無雨，塵埃障天蔽日，鼻爲之塞。同行者人數較多，雇車殊不易。——此間車夫多天津人——又刁又狡——故辛南已先決計乘船，余等亦以乘船較爲舒服，樂得贊成。既乘以後，覺着甚不舒服。蓋黃河無客船，僅有載貨船，前後尖，中間寬，兩頭之艙不能容物；中間之艙有蓆頂，無木頂，蓆甚薄，下雨則漏；兩旁用木板作圍墻，板皆用釘釘住，不能啟閉，悶坐艙中，不能觀兩傍之物；前後有竇無門，無物遮護，遇風則由竇通風，甚涼爽，遇雨則由竇濺水，甚沾濡。余等十七人，分乘二船，余船三艙，共乘九人，每艙三人。船頂甚低，艙甚窄，每艙又各有行李二三件，局促殊甚。余等臥則屈膝，坐則折腰，立則鞠躬，人人終日抱膝長吟，無自由回旋之餘地。余等皆久居陸

地，不慣在船上出恭，黃河中流多灘，船傍灘拉繆以行，傍岸之機會甚少。偶爾傍岸，船主爲趕程道計，多不停留；故余等在船上四日之間，上岸出恭之機會絕少，此起居之不便也。黃河之水半雜泥沙灰塵便溺，飲之輒胸前作惡；余等携汽水，可以解渴，但多飲則腹作洩；途中不傍岸，無處可以喫飯，故托船夫作麵湯，饅頭療飢，然粗惡殊甚；余等携有罐頭魚肉，然此物多陳舊，常喫則腸胃不適，此飲食之不便也。

余船水手共五人，一人在船後扶舵，一人在船頭撐篙，三人在岸上拉繆，途中行四日，皆遇西風，不能急行，是日宿靈寶縣東，約行五十里左右

十一日，遇雨，數行數止，宿於靈寶縣西，僅行二十里左右。夜間上游雨水暴至，溜頭甚高——夜間不能瞭見。大約至少亦在一尺以上——衝動船錨，船向下行，漂流數里，余知船身頗舊，而未知水手駕駛之能力何若；倘有疏虞，則河身寬數里，流甚急，雨甚大，天氣甚冷，夜色已深，對面不能

觀物；雖善泅水者，亦難達到岸上，將有葬身魚腹之慮，心甚惴惴。然恐驚同伴，故堅臥不起，不敢聲張。幸而船長年老，頗諳練，順風水之性，漂流數里，止於水較淺流較緩之河灘上，遂停泊焉。

河南東部皆平原，故中牟縣以東，時常河水氾濫，橫流潰隄，大好農田，化爲沙地。河南西部皆山地，自鄭州以西，黃河南岸爲嵩山，北邙山及崤山，北岸爲太行山，王屋山，砥柱山，河身受兩傍之山脈束縛，雖挾泥沙俱下，只能墊高河身，不能淤到兩岸，故洛陽平原皆膏腴。余等乘船由陝赴潼所經之河路，界在山西河南二省之間，北爲山西之砥柱山，南爲河南之崤山，兩岸多峭壁，中間有大河通流，河身之寬常至數里，一望浩淼無際，風景殊不惡；但可惜山無樹，河無草，水中岸上，一望皆黃，稍殺風景耳。

十二日早，過函谷關。

關在靈寶縣西數里，關以東有小平原，南負崤山，北帶黃河，靈寶縣城

在焉。關以西爲甬道，兩傍皆峭壁，中間只容一車通行，若東來西往二車相遇時，則彼此皆不能通過，故入谷以後，車夫恆高聲遙相招呼，令對面之車，擇路較寬處——用人力鑿成。在大路旁寬約容一車者——暫行停止躲避，俟此車既過再行。城西關東有河名澗水，雨後山水暴發，車馬不能通行，余等下船往看函谷關，阻水而返。

靈寶縣以西，山愈高，河身愈陡，山水暴發後，淺灘皆不見，風景絕佳。河北爲山西平陸縣界，岸上頗有新栽之樹，逐漸成陰，略見閻督政績。聞河北無盜匪，河南多盜匪，故行船者多停泊北岸。

晚宿閿鄉縣城西，本日約行五十餘里。落日西沉，略無遮蔽，古人所謂「大漠孤煙直長河落日圓」之風景，約略似之。

十三日，臨時雇用緯夫九人，趨程前進，途中遇東風，船行甚急，下午三點，至潼關，第三十五師長愁玉琨潤卿，受劉督軍委託，遣副官洛寧李品三金齋，洛陽林祖裕治堂來招待，借住潼關汽車站。房屋雖少，而院落宏

廠，同人多帶行床，三三五五，自由宿於院中，無臭蟲蚊子來攻擊，精神頗快。潼關東西道路太壞，汽車多毀壞，拋棄院中，殊覺可惜。晚餐後禮拜愁師長，談一刻鐘而返。

潼關在黃河南岸，南負山，北帶河，極爲形勝。有東西南北四門，東西北三門皆傍黃河沿，南門在山上。城內北半爲河岸平原，戶口甚多，商業繁盛；南半爲山麓高地，地勢形勝，烟戶稀疏。城牆南半在山上，北半在平原，最北之北門，則面河而開，僅容人出入。

秋日赴關題潼關驛樓中，六，十四。

許渾

紅葉晚蕭蕭

長亭酒一瓢

殘雲歸太華

疏雨過中條

樹色隨關迴

河聲入海遙

帝鄉明日到

猶自夢漁樵

十四日早七點，借安愁師長汽車二輛，陸路赴長安。余等十五人，分乘二汽車，留王捷三劉鴻恩二君，乘騾車搬運行李。

由潼關赴長安之大道，一路分爲二綫，南綫行汽車，北綫走大車，二綫

相傍而行，寬約四五丈，汽車路頗修整，不大顛播。經過華陰縣，遙望華山，——在路南——路傍有汾陽王故里，寇萊公故里石碑，有汾陽王廟及華岳廟，——皆在路北——汾陽王廟甚小，無足觀，華岳廟基址甚大，外牆周圍之廣，幾等於城寨，因現在駐兵，不能瞻仰，亦可惜也。再西過渭南縣，遙望秦始皇帝陵，——在路南——高如小山，上無樹木，基址畧作方形，幅隕之廣，聞約九百一十三畝。再西過鴻門舊址，新豐舊城，皆古來歷史上著名之地。

行經華陰

崔瀨

峇嶢太華俯咸京

天外三峯削不成

武帝祠前雲欲散

仙人掌上雨初晴

河山北枕秦關險

驛路西連漢時平

借問路旁名利客

何如此地學長生

經秦始皇墓 中，六·二四·

許渾

龍盤虎踞樹層層

勢入浮雲亦是崩

一種青山秋草裏

路人唯拜漢文陵

十一點，至臨潼縣，赴華清池沐浴。

池在臨潼縣南門外驪山下，係唐華清宮舊址，舊日建築，經前清咸豐年間回匪之亂而毀，現在建築，係同治年間新造，內有娘娘殿，中祀貴妃，配享者爲一青年，亦杜十姨伍髭鬚相公之類也。有溫泉池二，大者名太子池，小者名貴妃池，貴妃池中有一石，上帶紅色，永不脫落，好事者謂楊妃月事來時坐處之遺蹟也。池水溫度約華氏九十六度至九十八度，而有游魚——鱒——水草，亦奇觀也。鎮嵩軍第四路步兵第二營營長，鞏縣趙清海晏亭駐防於此，留共午餐。

過華清宮 中，六·十。

杜牧

長安回望繡城堆

山頂千門次第開

一騎紅塵妃子笑

無人知是荔枝來

新豐綠樹起黃埃

數騎漁陽探使回

霓裳一曲千峰上

舞破中原始下來

華清宮 中續，下·六。

崔櫓

草遮回磴絕鳴鑾

雲樹深深碧殿寒

明月自來還自去

更無人倚玉闌干

驪山 中，六，二三。

許渾

聞說先皇醉碧桃

日華浮動鬱金袍

風隨玉輦笙歌遍

雲捲珠簾劍佩高

鳳駕北歸山寂寂

龍旗西幸水滔滔

貴妃沒後巡遊少

瓦落宮牆見野蒿

午後，一點，出發，二點，至長安。

到陝西境內以後，有二事最容易惹人注目，一爲官道旁之高柳，一爲城門臉，或大街轉角處白灰牆上所書之格言。柳樹爲左文襄公在陝甘總督任內所栽，現今已幾六十年，多數高逾五六丈。公清廉公正，遺愛在民，陝西人比之召伯之甘棠。格言係馮前督在任時所書，專訓導人爲善。但自民國成立以來，偉人土匪，相携舉兵，將陝西境內之官柳斬伐大半。馮在任未久，旋即去職，灰牆經雨淋日曬，一大部分格言，已陸續剝蝕矣。

陝西大道皆寬軌，車軸長出於車箱者約尺許，一合左右兩旁計之一潼關以東皆窄軌，故東來西往之車，皆在潼關換車軸。



第二章 長安之觀察

第一節 長安之建築

甲學校

十五日晨起，個人參觀西北大學，校之南門在東木頭市，北門在東大街，有基址六十餘畝，房屋七百餘間；係前清末年青立大學堂故址，旋降爲高等學堂，民國成立，改設西北大學豫科，旋改爲法政專門學校，十二年九月，復改設西北大學，大略分爲二部，南半爲西北大學，北半爲陝西教育廳，教育會，水利局，林務處，現在教育廳移居梁府街前清舊提學使署，北院只餘三機關矣。房屋係中國大四合式，院落周圍有迴廊，既壯觀瞻，又避風雨，其優點一也。院落宏敞，樹木甚多，空氣清新，頗足怡情悅目，其優點二也。教員學生寄宿舍，職員辦公室，皆有相當面積，其優點三也。然講堂內大柱子，頗碍學生眼目；大禮堂橫寬，不適講演之用；大

門之內有二門，二門之內有大堂，——現用作接待室——大堂之後有二堂，——現用作大禮堂——有三堂，有四堂，——現均用作講堂——四堂之後有內宅；——現用作圖書室——自大門至二堂，兩傍僅有迴廊，並無房屋；自二堂至內宅，兩傍雖有廂房，然太小不適作講堂之用；自大門至內宅，南北長約一百八十五步，適合於講堂用之房，僅有三四間；兩傍多跨院，辦公室寄宿舍在焉，東西寬約八十八步，房屋甚多，院落甚宏敞，而能作講堂用之房，亦只有最近建築者三四間。全校建築皆用宮庭及衙門式，無一所樓房，佔地方太多，房間較少，大房間尤少，宜於住家，不宜於作學校，知從前監修者皆外行也。梁棟椽柱門窗戶牖皆用楊木，知長安木材缺乏也。院內多用土坯作牆，黃土塗壁，既缺美觀，又難耐久，知長安磚與灰俱缺乏也。聞劉督軍擬劃出從前滿城舊址——在城內東北隅——約佔全城總面積三分之一一部分，約二千九百畝建築新大學，而以此處爲豫科校舍；然長安物價較天津約貴三分之二，——據關頌聲君報告——洋灰一桶 在天津賣價大洋

五元，比地賣價銀三十二兩 磚瓦木料皆貴至一倍以上 西北大學擬建築新式樓房辦公室一所 照天津物價估計 需洋七萬元 照此地物價估計 需洋二十萬元——陝西財政困難，此計劃亦非短期內所能實現也。

長安雨少，故房屋雖欠修理，尚不至於坍塌。西北大學教員室，屋頂皆瓦松，密如魚鱗，然室故無恙；若在北京，則大雨時行時，室內室外淋漓一致矣。

此次在長安參觀之學校：除去西北大學以外，有第一中學校，——在西倉門——第三中學校，——在棗刺巷——職業學校，——在學院巷——第一師範學校，第一女子初級中學校，——皆在西安書院門——成德中學校，——在北大街——女子師範學校，——在梁府街——因在暑假期內，各校皆放假，故堂上工課無可參觀。建築則一中一師大體一致，院落宏敞，樹木甚多，房屋多舊式，少樓房，全體形式，近於宮庭及衙門，而不類似學校。三中院落樹木成林，是其特色，一師係關中書院故址，路閨生先生所住之仁在堂猶存。——今為校長

辦公室——第一女中係女子模範小學提升，院落較小。成德中學係前督陳樹藩所創，曾撥與官地一萬三千頃，作爲基本金，財產充裕，房屋皆新式建築，房間雖不多，比較最適用，外院操場極其寬濶。女子師範係最新式建築，皆二層樓房，然工程太不堅固。至於梁柱材料多用楊木，牆壁材料雜用磚坯灰土，則各校皆一致也。

長安玻璃極貴，故各校門窗，俱不多用玻璃。

乙官署

此次在長安，參觀之官署甚少，然督軍省長二公署，則各去過幾次。督署在故明秦王府內，——俗名皇城——係馮前督所造，用兵爲工，用故秦王府城舊大破磚與楊木爲料以造成，房間甚少，僅足應用。惟院落異常宏敞，滿種小樹，小樹中間雜以水井菜畦，人路兩旁滿生芝草，每日太陽西下時，督署軍人自己澆菜，風趣甚佳，十年以後，當然綠樹成陰矣。省署在西大街路北，係前清舊布政使署，省署機關較多，劉督軍之眷屬寓焉，故房

屋較多，房間較大，然妝飾樸素，固無以異於民居也。

丙寺觀祠宇

長安城內寺院，屢遭兵燹，多數蕩然無存；其碩果僅存者僅有數處，茲謹將著者此次在長安參拜之寺觀祠宇列舉於左，以供參考：

一、文廟 在南門內東城根，殿宇院落皆宏敞，古柏甚多，古松僅有一株；旁院內附設孔教會所立之學校。

二、臥龍寺 在城東南隅臥龍巷，係漢靈帝時創造，後屢經改築者。殿宇頗莊嚴宏敞，藏有康南海欲得之大藏經，經有二種，一係明太祖時南京出版者，一係明英宗時北京出版者，據該寺住持顯安云，「長安城內寺院，共存三部大藏經，民國成立時，爲兵士及居民所毀，今皆不全矣。」中國人富於破壞性可見一斑。寺之前殿入門處，有長三四尺寬尺餘之大青石一塊，上有形似蚯蚓之軟體動物化石數具，頗可貴也。後殿所供之佛身係藤胎，猶是清初製造。

三、廣仁寺 係喇嘛廟，在城西北隅，寺之東南二面皆農田，據云多係該寺產業，牆內多草花及木本花，牆外多高樹，地頗清幽。正殿供銅像三尊，外飾以金，甚莊嚴，中央爲觀音像，兩旁爲文殊普賢像。觀音像身體較大，面貌較平，微帶白色，據云來自西藏。文殊普賢像身體較小，面貌較豐隆，顏色甚黃，據云來自北京。全寺喇嘛二十餘名，有蒙古人，本省人，河南人之別，掌教老喇嘛年五旬餘，係蒙古人，由北京雍和宮派來者，能說北京官話，不大懂陝西話，民國五年來此，據云該教雖禁止殺生，並不禁止飲酒食肉也。

四、西五臺 在廣仁寺東南，與市街接近，臺係累土築成，上供佛像，共有五所，在城西北隅，故稱西五臺。其中二臺已圯，二臺爲軍人所住，僅最東之一臺有尼僧住持，所供爲菩薩。臺之後殿最高，全城一覽無餘，城內人家院落內樹木頗不少，但市街上甚有限耳。

五、清真寺 長安城內清真寺共有七處，著者僅參觀二處。一最大者，爲

化覺巷清真寺，係唐玄宗時所建，有天寶元年王銜所撰碑，俗名東大寺。一最古者，爲大學習巷清真寺，係唐中宗時所建，俗名西大寺。東寺甚大，西寺畧小，二寺廟宇皆宏壯，彫刻甚古雅，附設回教義塾，讀阿拉伯文字之可蘭經，東寺並附有國民學校一處。

六、董子祠 在城東南隅，祀漢江都相廣川董仲舒，董子墓在焉。正殿屋宇無恙，惟門窗戶壁狼狽不堪，有許多貧民雜居其中。墓在正殿後，一坯黃土而已。廟內外共有石碑四座，皆明清時代所立者。正殿前西邊有小跨院，董子苗裔在焉，寡母孤子及其姘頭共三人。聞孤子僅十餘齡，其母本其父之妾，父故後，子纔數歲，乃另找一男子同居；其男子余曾晤面一次，三旬餘之粗笨農夫耳，亦冒姓董。聞祠內祀田共十六畝，典質殆盡，長安紳士欲籌一筆款項，贖回祀田，逐走男子，現正在準備進行中也。

七、多忠勇公祠 在五味什字巷路北儲材館內，祀清中興名臣忠勇公多隆

阿。民國成立以後，改名忠義祠，起義及剿匪戰沒之軍人皆附祀於此。現在前殿改作儲材館講堂，後殿如故，多公神位在中央，兩旁及兩廡配享者皆民國軍人。

八、左文襄公祠 在東木頭市西頭路南，祀清中興名臣湘鄉相國左文襄公宗棠；現在前半改爲亞東賓館，後殿仍爲左公祠。二祠皆清末所建，雖不及以上各祠之古雅，然尙偉大，較之現在建築，固遠在以上。

北京近旁多圓塔，或八角塔，河南陝西境內多方塔，塔下不必定爲墳，塔基亦不必定在寺內，有時爲村中風水起見，特造一塔以爲厭勝；塔亦不必甚高，平均高二丈上下者居多數也。

丁 一般建築物

河南陝西境內之瓦房，往往作半圓形，有前半面，無後半面；廢去梁柱，用勁山攔櫺，無屋脊，當脊之處爲房後山牆。

長安之瓦房，有仰瓦，無俯瓦，分量較輕，材料亦較省；然每房皆有明脊

，既費材料，又爲梁柱無故添出許多擔負；自鄭州以西至咸陽，舊式之瓦屋皆如此，不似京津最新建築之瓦房，皆廢去明脊，又輕巧，又省事也。自鄭州以西至咸陽皆黃土層，土皆立體，中含鐵質甚多，色近紅，異常堅固，故鄉僻之農人多住窯。城內之富家大族，亦往往在後院特掘一窯，夏日用以避暑。鄉僻之人多住土房，城內之人雖住瓦房，亦往往用土牆土壁，官衙學校兵營皆如此，不獨民居也。

第一節 長安之市街

長安城東西寬約七八里，南北長約四五里，周圍約二十四五里，東西二門及由東至西之大街稍偏南，故北半城較大，南半城較小。東大街之北爲舊滿城，佔城內地約三分之一，前清西安將軍駐此，民國成立時，全城被焚燬，現在夷爲平地，滿人散居各處矣。北大街之西，西大街之北一帶，俗名回城，實則有街，有巷，無城，不過爲回教徒集中之地耳。長安城內居民，據西北大學法科主任蔡江澄先生言，「從前所調查之數約十二萬，回

教徒不足一萬，然團體頗堅固。」繁華街市爲西大街，橋梓口及南苑門，前二處爲舊式商店集中之處，後一處爲新式商店集中之處，經濟之中心點，全城精華之所萃也。省長公署，財政廳，警察廳，長安縣署，皆在西大街，實業廳亦距此不遠，又政治之中心點也。

第三節 長安之實業

甲，農業不發達。渭水流域本農業國，周秦以來久已發達。現在多數之士大夫既不研究農學，僅山野農夫抱殘守缺，保守古來之舊習慣，毫無改良及深造。較之古代，只有退步，並無進步。

乙，林業不發達。各山脈皆童山，建築材料及燃料俱感缺乏。

丙，工業不發達。機器工業尙未輸入，即固有之手工，亦只保守古來舊法，毫無發展及深造。

丁，商業不發達。交通不便，運價太貴，洋貨及各省土貨之輸入，本省土貨之輸出，俱感困難。

第四節 長安之教育

甲，研究新學之人太缺乏。

乙，整理舊學之人亦缺乏。

丙，著作品缺乏。

丁，譯述品亦缺乏。

戊，日報及雜誌缺乏。雜誌僅有二種，一，實業廳辦之實業雜誌，二，實業會出版之實業淺說。日報僅有六種，一，建西日報，二，新秦日報，三，陝西日報，四，民生日報，五，旭報，六，平報。其內容多係剪裁京津滬各報紙湊成，關於陝西本省之特別記事及論說較少；銷數極不暢旺，多者三百餘份，少者數十份而已。

己，出版所及印刷所缺乏。現在尙無出版所，印刷所之能印報紙者，僅有三處。一，教育圖書社，一教育廳辦——二，藝林印書社，三，新秦日報社。此外小印刷所，只能印廣告傳單，於宣傳文化上，無甚重要關係

也。

庚，教員缺乏。本省人才不足，專門以上學校之教員，多係借材異地。又因交通不便關係，本省之畢業於外國大學之學生，多在交通便利之外省就事，不肯回本省。

辛，學校缺乏。

第五節 長安之市政

甲，建築。陝西長安爲中國故都，間有數百年前建築，一如臥龍巷之臥龍寺，化覺巷之清真寺，大學習巷之清真寺等——頗莊嚴瑰麗，偉大可觀；然此種古建築，現存者絕少。新建築之房屋，因木材缺乏，故梁棟椽柱多用楊木；因石灰缺乏，故多用黃土塗壁；因燃料缺乏，磚瓦價昂，故院牆屋壁多用土坯替代；既缺美觀，又難耐久，官衙學校皆如此，不獨民居也。

乙，道路。陝西長安爲中國故都，街道較爲寬濶，然新式之馬路尙未動工

，舊有之路分二種：大街皆石路，用長四五尺寬二三尺之大石砌成，多係數百年前舊物，高低凹凸不平，車行顛播特甚。小巷皆土路，多坑坎，遇風則揚灰沙，下雨則成泥濘，行人裹足。

丙，交通器具。城內之交通器具，約有六種：一，單套騾車，係普通中等以上之人——陝西官場不用轎。省長以下皆乘車——所用，但行石路則顛播殊甚，且時間不大經濟。二，人力車，行路較快，且不大顛播，但道路太壞，雨天人力車不能行。三，轎，賃價太昂，行路又不甚快，時間金錢俱不經濟，故用者絕少。四，大車，五，二套轎車，六，小手車，三者皆用以載貨，行人乘之者絕少。汽車僅督署及各師旅長各有數輛，用以作遠路之交通機關，平時不用也。

丁，通俗教育。全城僅有教育圖書館一處，——在南苑門——通俗圖書館一處，——在大北街——通俗講演所一處。——在北門內雷神廟門——閱報社僅有四處，附屬在兩圖書館，陝西實業會及碑林內。

戊，衛生設備。

1. 醫院。防疫機關尙無，醫院共有數處，一，陸軍醫院，官立，二，宏仁醫院，地方團體立，三，關中製葯社，團體立，四，大生醫院，私立，五，競爽醫院，私立，六，廣濟醫院，私立，七，廣仁醫院，教會立——但除去陸軍及廣仁醫院外，規模俱甚小。

2. 飲料水。自來水尙無有，新式之洋井，僅有數處，一，督軍公署，二，紅十字會，三，西北大學，四，西華門，五，東門外——但上層含有雜質之水多滲入，頗鹹鹵不適用。其餘概用舊式井，水內含有硝質，於衛生殊不相宜，洗衣服亦多不潔。惟西門外墾城內路北有甜水井一，水源甚旺，足供多數人用。

3. 下水道。地溝尙欠疏通，雨後時存積水。

4. 排泄物。路旁雖有官中廁，但稍僻靜之處，常有人隨便出恭。路旁多尿坑及穢水坑，行人過者掩鼻。穢土廢料——如瓜皮果核等——隨便棄置

於道旁，蒼蠅繁殖其中，爲各種傳染病之媒介。

己，警政。警政內容多未詳，僅有二事可記載：

1. 路燈。大街僅有數盞，小巷尙無。

2. 消防。無水龍及消防隊之設置，大街各有太平水缸數個，小巷尙無。

庚，慈善事業。官立者有育嬰堂，卹廢局，殘廢軍人教養院，殘肢留養局各一處，地方團體立者，有孤兒院，婦孺教養院各一處，但規模俱不大宏敞。

辛，娛樂機關。

1. 公園。僅有南苑門一處，與圖書館在一院內，規模狹小，無足觀。但其中用花樹造成陝西地圖一幅，頗具美術及科學思想。

2. 戲園。有易俗社，共樂社，三意社，萬福社，正俗社五處，皆秦腔；惟共樂社兼演二簧。易俗社爲本地士大夫所組織，不專以營業爲目的，其內容頗有種種特色，茲列舉之於左：

a. 股東半含捐助性質，每年不分紅利。

b. 前臺脚色，薪水極廉，即大名鼎鼎號稱臺柱子之劉箴俗，劉迪民，

蘇牖民，王安民等，月薪僅制錢五六十吊，一合大洋二十元以下一

無北京捧角之惡習。

c. 後臺經理人，半帶義務性質，除去教師外，薪水皆極廉，或竟無有。

d. 對於全社學徒，以學生禮待遇，除去教以戲劇以外，並授以普通常識及日用必需之技術；將來若不願作伶人，儘可就他種職業，無北京窮伶終身跑龍套之苦楚。

e. 社員出演時，一毫不苟，一絲不懈，雖作配角跑龍套之人，亦精神圓滿，無懈可擊。

f. 社內行頭極華麗，全體社員俱用社內行頭，無北京名伶自帶行頭之奢侈風氣。

g. 社內有講堂，有寄宿舍，全體社員住社內，一家住城內者爲例外。下臺以後上課。漢文清通者，能作三四百字以上文章，無北京窮伶目不識丁之苦楚。

h. 社內禁止學徒與不正當之人往來，並禁止其受外界之贈與，無北京伶人兼營像姑生意，前爲面首，後爲龍陽之笑話。

因以上原因，故社內頗有財產，社基漸鞏固，社內名譽亦雀起矣。

3. 電影。青年會偶一演之，但不能常演，尙無特設之電影館。

4. 妓院。公娼無有，聞私娼甚多。

此外若動植物園博物館等之高尙娛樂品，尙未着手籌備，落子館亦尙無有，社會太單調，故一般下等娛樂品，若賭博鴉片等，頗受一部分人歡迎。

壬，電氣工業。長安城內，僅有電燈電話及電報局，規模俱不甚宏敞，此外一切電氣工業尙無有。

第六節 長安附近之交通機關

甲，火車路。隴海鐵路僅修到河南陝縣，以西尙無有。

乙，長途汽車路。僅由長安修到潼關，汽車由去年開行，因路途不平，多爲重載大車所毀壞——車多破損；新購之汽車尙未到，故現在停駛，僅有人力車通行。

丙，電車路。尙無有。

丁，大車路。甚崎嶇。可行單套騾車，二套轎車及重載大車，但顛播殊甚，每日至多不過行百里。除去秦嶺山脈以外，陝西全省大路皆可行車。轎子亦有，但除去漢中以外，不大通行。

戊，河流。渭河黃河皆可行船，順流而下遇順風，每日可行百餘里，由草灘——在長安城北——距城三十里——至陝州，——約四百餘里——約二日半可到。逆流而上遇逆風，每日僅行十餘里，由陝至潼僅一百八十里，著者赴潼關時，共行四日。

己，郵政。甚遲滯，由長安達北京之信，平時行七日。

庚，電報。不甚發達，電杆甚矮小，皆用楊木。

第七節 長安之宗教

僧尼喇嘛寺，道觀，雖隨處皆有，但除去最少數之高僧外，多係解決個人麵包問題，不以研究宗教爲目的。清真寺長安城內共有七處，寺內多附屬舊式義塾，教兒童以阿刺伯文字之可蘭經。外國人所創立者，有浸禮會，聖公會，青年會等，尙與知識階級接近。

第八節 長安之風俗

甲，衣。甚樸素，除去政界以外，皆穿布不穿綢，軍人教員大商人皆然，不獨細民也。

乙，食。一般之人食小麥粉，較直隸人之食玉蜀黍小米，奉天人之食高粱者，食品尙優，惟由外輸入之食品太貴，一般人不能享用。——汽水一瓶，索價大洋七八角。

丙，住。房屋院落尙宏敞，惟房屋多土壁，院落多土牆，城外之人，間有住窯者。

丁，嗜好。捲烟水烟甚流行，鴉片賭博，亦尙未能絕對禁止。

戊，信仰。科學知識尙薄弱，迷信尙流行，占卦，相面，看八字，看陰陽風水之小攤，長安城內頗不少。

己，女子問題。尙認爲男子之附屬品，平日不許出門；社會中公開之職業不許女子加入；纏足者尙多，亦甚纖小；長安市街，不見女子踪跡，故與余同來之友，幾有投身入光棍堂之感焉。

第九節 長安之古蹟及古物

歷代宮殿苑囿陵墓寺觀，大半破壞，或尙存一部分，——如慈恩寺之大雁塔薦福寺之小雁塔等——或僅存其基址，——如弘福寺青龍寺遺址——或基址全無，——此類甚多——即文王之豐 武王之鎬 成王以後之宗周 漢之未央宮 長樂宮 亦在此例——所謂古蹟，大半有名無實。古器具若石碑石人石

馬等，半爲官吏或人民所盜賣，半爲外國人或外省人——以古董商爲多——收買或偷竊以去。明清以來不甚著名之石碑，多爲本城石頭鋪收買，改大爲小，作爲新碑出售。

長安保存古碑之處名碑林，在南門內東城根，歸圖書館照料。其中收容之古碑約百餘種，大碑約二百四十塊，小碑約二千餘塊，——兩共約三千塊——魏碑僅有數塊，唐碑甚多，有名者爲石刻十三經。碑帖商每日派人捶擊，自朝至暮無已時，自元旦至除夕無休日，受傷甚劇。

教育圖書館在南苑門，其中保存銅像石像陶器像不少，有佛，有菩薩，有韋陀，有天尊，有平常裝束者，高者五六尺以上，小者尺餘。大約皆係後魏隋唐時代遺物，由外國人或外省人，從外縣收買或偷竊以去，途經長安，由本地官紳截留者。唐太宗昭陵前八駿中之六駿，——其二駿先已失落——在陳前督任內，由其老太爺以十萬元偷賣與日人，其中二駿已運出潼關，四駿爲陳督派人截留，陳列於此以供衆覽。但全身已被日人擊碎，現在

係用黏料沾着而成，中多傷痕。

陝西城內以私人資格，收藏古物最多之處有二家，一爲閻甘園，陝西藍田縣人，藏有古畫古器具多種。一爲陳士埏，字次元，河南河洛道盧氏縣人，前清拔貢，北京法律學堂出身，現充督署秘書長，藏有碑帖五千餘種。余常謂二君所存皆國粹，欲勸二君合組一博物館，公開以供衆覽，然館址房屋及陳列器具需款甚巨，亦非短期所能作到也。

第十節 長安之飲食

此次在陝，住西北大學，飯食由暑期學校供給，差足果腹。劉督軍邀飲四次，一次在西北大學，用素菜，一時因祈雨禁屠——此在省署，一次在督署，皆用西餐，一次在宜春園，——在關岳廟街路南 易俗社之秦腔開演於此——用中餐。西北大學陝西教育廳邀飲一次，在校內，儲材館邀飲一次，在館內，皆中餐。講武堂邀飲一次，在青年會，西餐。商務印書館邀飲一次，在館內，中餐。陳次元先生邀飲一次，在陳宅，中餐。師大畢業同學

邀飲一次，在五味什字巷義聚樓，中餐。督署之中餐，商館之中餐，陳宅之便飯，色香味俱美。督署之西餐亦佳，然中國風較重。此外各處廚役手藝俱平常，講武堂之西餐係外叫者，——青年會不賣飯——花錢甚多，不大實惠。

長安水果，有沙果，蘋果，桃，杏等，俱不甚大；橘子，香蕉等南方水果，因交通不便，皆無有也。西瓜亦甜亦大，差勝北京。牛羊豬雞俱公道，鴨子及魚價俱昂貴，長安應酬場中好用魷魚，每席必有。

長安冬季氣候較北京溫暖，不能結天然冰，又因交通不便，外國機械未能輸入，亦不能造人造冰，故冷喫之物不容易製造。飲料中最流行者爲鳳翔所產之燒酒，——俗名鳳酒——長安所產之葡萄酒及甜酒，——米汁——皮酒汽水皆自東方運來者，價錢異常昂貴，冰激凌則絕對不能製造矣。

第十一節 長安之土產

漆器竹器甚佳，毛織之毯亦可觀，但價錢頗不廉。碑帖甚佳，總算價廉物

美，但未免摧殘古物。每年出土之古物甚多，京滬各處骨董商，派人在此處設肆收買，轉賣與外國人或外省人以謀利。

第十二節 長安之植物

長安緯度，東與江蘇徐海道銅山縣相對，雖地在高原上，然氣候比較溫暖，寒期不甚長，寒氣亦不甚烈。植物除去楊，柳，榆，槐，椿，榕，構，柏等樹，爲北京所習見者外，楸樹，皂角樹，檉樹，青桐樹甚多，修竹高逾尋丈，叢生成林，石榴樹高過檐頂，實纍纍以百數，皆北京所未習見者。惟松樹甚少，長安城內僅有南門裏孔廟內一株。——據第一女子初級中學校校長李約之先生口頭報告——草花甚少，熱帶植物尤少，則以人工培植之力尙未週到也。

第三章 著者到陝西之任務

此次來陝，原係西北大學陝西教育廳合組之暑期學校邀來講演，嗣到長安以後，各處多來相邀，計在督署講演二次，約五小時，題目爲陝西在中國史上之位置，聽演者多軍官，約二百餘人，秩序整齊。在儲材館講演三次，約六小時，題目爲陝西在中國史上之位置，聽講者多候補文官，約百餘人。在講武堂講演一次，約三小時，題目爲陝西在中國軍事史上之位置，聽講者爲陸軍學生，約四百餘人，秩序整齊。在暑期學校講演四星期，約二十二小時，題目有三：一爲陝西在中國史上之位置，二爲歷史上中國民族之研究，三爲歷史上亞州民族之研究，聽講者爲高小教員，勸學所員及中等以上學校之教職員及學生，最多時四百餘人，最少時百餘人。



第四章 咸陽古帝王陵之參拜

此次到陝目的，原爲暑期講演，然既有餘暇，又有適當伴侶，當然赴各處參觀古蹟名勝，以滿足個人研究歷史之欲望，此應有之義務也。七月二十六日赴咸陽，是日早七點，偕陳懋玄，王小隱，乘驛車起身，咸陽距長安不過五十里，車行四五小時可到，車係二套轎車，由督署代雇者，惟上無帷，前無簾，僅有破葦蓆覆頂，上下一望皆黃，是爲生平所僅見。出長安西門，約行二十里，爲三橋鎮，又二十里，至臨澧屯，屯在澧水西岸，東門臨澧水，水甚清，河身寬約二十餘丈，河流之寬不逾二丈，下流入渭。又十里，至渭水，水在咸陽城南，渡水即城，城之東南二門皆在河之北岸，水甚濁，流甚急，澧水有橋可渡，渭水無橋，用船拖過，下午一點，入咸陽城，住縣署街——由東門至西門之大街——東昇客棧，湫隘污穢不可以居，乃往勸業所內，面托勸業員杜善義君，代借縣議會內房屋，安頓行李。午後四點，往北原，參拜周文王武王康王陵，入夜始返。

北原在咸陽北門外，約十里，地基高於咸陽數十丈，車行漸高，遙望圓形方形之黃土丘，大小纍纍以千百計，皆古帝王陵，或古大臣富豪墓，誠壯觀也；然陵墓多數無院牆，無殿宇，無樹，無碑，無可以作爲紀念品之古器具，——如石人石獸石牌坊石五供等——偶爾有之，亦明清時代所造，無較古者；明人考據不精，錯誤時有，不足爲信據；然則除去一坯黃土，可以證明其下爲古人墳墓外，固絲毫無可瞻拜，亦絕對不能研究也。唐人詩云，「五陵北原上，萬古青濛濛，」據著者所見：黃則有之，青則無有，陝西之所謂古蹟，可以推知其大凡矣。

康王陵在咸陽北門外北原上，距城約十二三里，無人看守，四圍土牆已破損，中央享殿已坍塌，僅有柏樹一株，有本，無幹，已半枯，無古器具，僅有石碑，多損壞，其完整無缺者，乃乾隆五十七年巡撫畢沅所立也。墳作長方形，甚高大，東西寬，南北狹，墳上無草，一望皆黃。

文王陵在康王陵北約四里，有人看守，對於參觀者，不招呼，亦不索酒

資。四圍土牆已破損，中央享殿尙完整，有古柏十餘株，有本，有枝，有葉，無幹，——河南陝西居民多迷信柏樹枝可以驅百鬼，故每年除夕皆往折其枝，插於自家門戶上，遂使古柏皆成光本，枝附着於身上，自洛陽以西皆如此，不獨咸陽也——無古器具，石碑甚多，最古者爲明正德年間所立，以前者無有也。墳作長方形，形勢類似康王陵，而偉大過之，墳上無草，一望皆黃。

武王陵在文王陵北，相距僅數十丈，牆殿多破損，無古器具，石碑頗不少，皆明以後所立者。牆與文王陵南北相對，東西稍狹，幾類正方形，墳上無草，一望皆黃。

是時天氣已晚，對面不能見物，乃乘車返咸陽。時城門已閉，幸縣長已通知守門之軍警，臨時開門放行。晚，宿於縣議會，二十七日早，發咸陽，下午，還長安。

咸陽城東樓 中，六，二二。

許渾

咸陽古帝王陵之樂舞

四十四

一上高城萬里愁

秦殿楊柳似汀洲

溪雲初起日沈閣

山雨欲來風滿樓

鳥下綠蕪秦苑夕

蟬鳴黃葉漢宮秋

行人莫問當年事

故國東來渭水流

經咸陽北原 中，九，十二

馬戴

秦山曾共轉

秦雲自舒卷

古來爭雄圖

到此多不返

野狝穴孤墳

農人耕廢苑

川長波又逝

日與歲俱晚

夜入咸陽中

悲吞不能飯

咸陽懷古 中，十，十八

劉滄

經過此地無窮事

一望凄然感廢興

渭水故都秦二世

咸陽秋草漢諸陵

天空絕塞聞邊雁

夜盡孤邨見夜燈

風景蒼蒼多少恨

寒山半出白雲層

咸陽 中，七，二三

李商隱

咸陽宮闕鬱嵯峨

六國樓臺艷綺羅

自是當時天地醉

不關秦地有山河

第五章 終南山之觀察

第一節 南五臺之名稱及其區域

終南山爲秦嶺一部分，著者此次所登之峯，俗名南五臺，因山西有五臺山，其上寺院香火極盛，陝西迷信家皆羨慕之，故造寺於終南山絕頂，以滿足一般人民崇拜佛教之欲望，山西之五臺山，俗稱爲北五臺，故稱此爲南五臺；實則其上之高峯，並不止五個，普通所指之五臺，有二臺不在峯頂上，此委巷小家子之說，甚可笑也。茲試略舉其名稱及其地點於左，以供參考：

- 一，岱頂圓光寺，終南最高峯，距平地三十里。
- 二，文殊臺，在岱頂東山腰，較圓光寺稍低，相距不過數百步。
- 三，清涼臺，在岱頂東山腰，較文殊臺又低，相距不過百餘步。
- 四，靈應臺，在岱頂東，爲另一高峰，較岱頂略低，而陡峻過之。
- 五，捨身臺，在靈應臺東，爲另一孤峰，較靈應稍低。

以上一四三臺在山頂，二三兩臺在山腰，其非以峰作單位，而爲拉雜湊成者，概可知矣。岱頂以西，尙有一孤峰，較岱頂略低，近來始有人蹤，名曰兜率臺，不在五臺之列。岱頂以南，有高峰名翠華，即古之太乙，亦不在五臺之列。

第二節 登終南山旅程日誌

八月十四日午前六點半，乘騾車由長安起身，出南門，向終南山進行。同行者爲李幹臣，陳澍玄，蔡江澄及陝西林務專員趙崑山四君，隨帶聽差兼嚮導一名，分乘三輛單套騾車。是日之騾車爲西北大學代雇者，較之赴咸陽時所乘之二套騾車，差爲潔淨。南山麓多土匪，時有劫掠之事，是日向督署借得衛隊四名，騎馬荷槍隨行。

九點，至韋曲，共行二十里，韋曲以北皆旱田，地味乾燥，以南多水田，地味潮濕。又南行東轉，約三里許，至牛頭寺，寺在韋曲東龍首原上，祀釋迦牟尼，稍東爲杜子祠，祀唐詩人社工部，此處地方涼爽，從前爲長安

貴人避暑之處，自民國成立後，地方多故，避暑貴人久不至矣。本年西北大學一部分學生在此避暑，組織暑期平民學校。院內樹木甚多，有南天竹，龍爪槐及木瓜——即香圓——等，梅樹，桂樹，紫荊樹，高皆逾丈，甚爲雅觀。房屋雖不甚多，而院內清香，沁人肺腑。正殿後有人造之洞——即窰——三間，老僧寢處於此，余入參觀一次，冷氣襲人，洞內供羅漢像。

此一帶地統名樊川，稻田荷池甚多，樊噲之封邑在焉。再東十五里爲杜曲，唐朝貴族杜氏世居之地，現在人口尙不少；以非赴終南必經之路，故不往。

折而西，歸原路，南行三里，有河流，名潏河，水甚少甚清，與黃河渭河之混濁者迥異。河上有橋，寬丈許，長數丈，名申店橋。過橋南行十二里至黃甫村，人家多土房茅草頂，差與黃字名實相副。騾車大路在阪上，西望村落，樹木甚多。村南有河流，名洛河，——陝西有二洛河——此爲南洛河——沿河一帶皆稻田，引河水以灌溉，河由秦嶺山麓，北下流入稻田中，

因天然地勢，自然就下，差省人工，風景之佳，頗似日本。

古云「八水繞長安，」謂滻灃二水在城東，灃皂二水在城西，潏洛二水在城南，涇渭二水在城北，實則涇，渭皆大河，發源甘肅，流入陝西，會於高陵，下流入黃河，其流域長亘千餘里。滻，灃，皂，潏，洛六水皆小河，發源長安城南之秦嶺山麓，北流至長安城北，入渭水，最長者不過百餘里，短者僅數十里。現在陝西天旱，滻灃二水皆涸，灃潏洛三水，亦僅細流涓涓矣。

自渭南臨潼以西，經過長安，鄠縣，盩厔，郿縣，沿秦嶺山脈北麓，渭水南岸，凡東西數百里，南北數十里間，皆稻田，引南山之水——滻灃潏洛灃皂等水——以灌溉之，故用力少而收穫多。近來私種鴉片之風流行，多數稻田，已變爲鴉片栽培地矣。

南行五里，至王曲，爲長安城南之市鎮。在小酒鋪中略進午餐，饅頭幾個，鹹菜一碟，差足果腹而已。崑山原籍在王曲東十二里，與小酒鋪主人有

舊，主人特別招待，在外覓得生雞卵十餘枚，煮熟以佐餐。王曲南半里官道旁，有陝西全省總城隍廟，頗堂皇偉大，爲此地人民崇拜之中心點。

出王曲南行約十里，至留村，距長安五十里，是爲終南山北麓。是時下午二點半，乃入廣惠寺小憩，商議雇山兜上山。平日每兜脚夫二人，往復一次，約六十里，需時二日，價洋二元。是時脚夫以我輩皆遠客，要求每兜用四人，索價八元，磋商之結果，至少亦須六元。余等以索價太昂，無還價之餘地，乃議停車馬於山下，留車夫與護兵一名，在此處餵馬，隨帶護兵三名，雇用脚夫二名，肩挑衣服行李，步行上山。

四點半，出發，南行里餘，至朝天門，遂入山溝，兩旁爲山，中央爲谷，有澗水由山下注，氣候漸清爽。從此南行，經過一天門，路漸高，廟漸多；至二天門，則路漸陡，多石級疊累之路，少土路，氣候漸冷。約行十四五里，至勝寶泉，小憩，飲茶。擬在此處住宿，因另有遊客，携眷在此避暑，不果。

復東南循山路行，步步登高，約行二三里，至迎真宮。時已午後八點，暮色昏黃，路旁樹木甚多，不能觀物。乃止宿於此，囑看廟和尚作湯麵療飢，以鹹菜及秦椒末佐餐。十點，就寢。

迎真宮房屋不多，寢室係火炕，余與江澄，斟玄，宿於外間門扇上，夜間甚冷，跳蚤極多。幹臣崑山宿於炕上，夜間尙不甚冷，但跳蚤亦不少。

十五日早四點，起床，五點一刻，出發，循山路向東南進行；過三天門，路愈陡，路旁植物愈多，濕氣甚重。六點，過呂祖宮，至紫竹林，小憩，飲茶。此處距山下二十餘里，供觀音，寺前眼界極空曠。

自此以上至四天門，路愈陡，路旁多廟，多樹。回頭下望渭水流域平原，則長安如盤，渭水如帶，皆在眼前，風景奇麗，略似日本東京近郊之高尾山。惟山較高，較奇，天然之風景似勝彼。而樹木之中，雜樹甚多，松柏甚少，不似彼之滿山皆杉，樹之行列甚不整齊，路較窄，較陡，較不平，

，人造之風景似遜彼。廟多用石與磚及土坯建築，與彼之用木造者，亦異其趣。而各廟之旁，皆有泉水，供住持及遊人飲用，則與彼亦正相似也。七點半，至岱頂，爲南五臺之最高峰。上有圓光寺，供五大菩薩。此寺在民國四年失火，現在係重修者，開工九年，尙未收工。正殿五楹，南向，因山太高，風太劇，恐受震撼；故以石爲牆，用鐵作瓦，木材用松樹，係就地取材。余等在此處早餐，有饅頭，米湯，茄子，雲豆，蘿白纓，芹菜，較昨晚之菜稍佳，陝西最普通之菜爲秦椒末，在山中幾乎每飯皆有。九點三刻，下岱頂，往西行，上兜率臺。此處係新開闢者，道路崎嶇難行。峰頂僅有茅屋二間，爲居士修行之所，無廟。十點，下兜率臺，東行，穿岱頂北山腹，至文殊臺。臺在岱頂東山腰，地勢稍低，相距不過數百步，廟門深鎖，無僧看守。十點五分，下文殊臺，東北行百餘步，至清涼臺。亦在岱頂東山腰，地勢益低，廟門深鎖，無僧住持。

下清涼臺，東行，十點半，至靈應臺。臺在岱頂東，爲另一孤峰，高不及岱頂，而陡峻過之。寺祀送子娘娘。余等在此處小憩，飲茶，幹臣崑山二君同赴捨身臺。

捨身臺在靈應臺東，爲另一孤峰，較靈應稍低。四圍皆大青石，無樹。廟以石爲牆，基址甚小，無僧。距靈應臺甚近，全峰一覽無餘，余等故不往。

十二點，由靈應臺下山，西北行四五里，十二點半，至紫竹林，在此處午餐，有米飯，素菜，食後，小憩。

二點一刻，西北行，就下山之途，途中不敢逗遛，四點一刻，行約二十里，至白衣堂，小憩，飲茶。

六點，回至留村，即刻乘車北上，七點，至王曲，八點，至韋曲，擬止宿於此，扣各店門，各店以近來土匪甚多，相約張燈之後，即閉門，不再留客。不得已，忍飢與疲復前進，十一點，至長安南門。由護兵向南關巡警

局借電話，喚開城門，十二點，回西北大學。

第三節 終南山概觀

自長安至終南山麓之留村，大體皆平原，然北部爲渭水南岸，地勢較低，南部爲秦嶺北麓，地勢較高，北部多旱田，南部多水田，北部乾燥，屬大陸氣候，南部濕潤，屬森林氣候。

自留村至岱頂，皆山路，方向自西北向東南，名爲三十里，實則不止三十里。自朝天門以上，路漸高，氣候漸爽，澗水下流，兩旁爲人行之土路。一天門以上，寺漸多。二天門以上，路漸陡，石路漸多，樹木漸多。勝竇泉以上，澗水中斷，然尚有泉可供飲料。三天門以上，氣候漸冷，濕氣甚重。四天門以上，路愈陡，然土路轉多，石路轉少，寺院漸少。自此以上皆無泉，山頂五臺所用之水，一部分由四天門運上，有時存儲雨水以供飲料，遊人飲之多腹泄。

自山麓至山頂，共有寺五十餘處，皆僧寺，僅呂祖宮一處爲道觀。皆前清

及民國新建築，無稍舊者。寺觀基址皆不大，而香火頗盛。寺皆無下院，無財產，各寺之所有權，歸山下各村落，最遠者達於咸陽。每村各有一二寺，或二三村共有一寺，推鄉紳爲會長，管理寺務。每年六月初一日至三十日，爲開廟會日期，所收之香資及平日所募之布施，皆歸會長經理，寺僧不能過問。寺僧名義上爲住持，事實上爲聘員，每年除去由會長給與錢若干，米若干，麥若干外；僅有平日遊客給與之茶錢飯錢及店錢歸其所有，此外不得過問。每寺僅有一僧，不著名之寺，平日閉鎖，不招僧住持，以省經費；至開會時，則由會長派人，或親身來經理，供給朝山之客飲茶住宿，而收其香資以爲報酬，俗呼寺爲湯房者以此。

秦嶺山脈南麓——漢中道方面——樹多，北麓——關中道方面——樹少，因樵採者太多，遂至童山濯濯。獨終南山谷，爲朝山者必經之路，民間習慣：谷中之樹，禁止樵採，各寺若興建築，需用木材時，須先呈報縣署，由縣署飭各寺會長開聯合會議，通過後，始行批准。各寺所需木料，須在其寺近旁

採集，不得侵入他寺範圍。若無故濫行斬伐，則以爲得罪於神，須罰其出資，在附近寺前演劇，以向神表示懺悔。古蹟，名勝，水源地應保護之森林，賴神祕的迷信習慣而得以保存，在世界上固屬創聞，而在我國則正可利用此種習慣，以實行保護政策也。

終南山

王維

太乙近天都

連山到海隅

白雲迴望合

青靄入看無

分野中峯變

陰暗衆壑殊

欲投人處宿

隔水問樵夫

終南山上植物甚多，此次幹臣崑山，係受西北大學委托，調查山上植物，將來豫備在此地造林場者。幹臣採集之標本甚多，茲將其調查所得之結果，列表於左，以供參考：

終南山植物

草本植物

上馬鬃	<i>Polytrichum commune</i> ,	L.	
蕨	<i>Pteridium aquilinum</i> ,	Kuhn	
地柏	<i>Selaginella kraussiana</i> ,	Br.	
問荆	<i>Equisetum arvense</i> ,	L.	
石韋	<i>Polypodium lingua</i> ,	Sw.	
牛尾菜	<i>Smilax herbacea</i> , L. var. <i>nipponica</i> ,	Maxim	察
大黃	<i>Rumex nepalensis</i> ,	Spreng.	
車前子	<i>Plantago</i> spp.		
狗舌草	<i>Senecio campestris</i> ,	De.	
黃花蒿	<i>Artemisia annua</i> ,	L.	
鷄兒腸	<i>Aster indicus</i> ,	Fisch.	
牻牛兒苗	<i>Geranium nepalense</i> ,	Sweet.	
委陵菜	<i>Potentilla chinensis</i> ,	Ser.	
一枝黃花	<i>Solidago</i> spp.		
荷包牡丹	<i>Dicentra spectabilis</i> ,	Miq	
耬斗菜	<i>Aquilegia flabellata</i> ,	S. & Z.	
蛇莓	<i>Duchesnea indica</i> ,	Fock	
細辛	<i>Asarum sieboldi</i> ,	Miq.	
甘遂	<i>Euphorbia sieboldiana</i>	Morr.	
山小菜	<i>Campanula punctata</i> ,	Lam.	
山蒜	<i>Allium nipponicum</i> ,	Fr. & Sav.	

天南星 *Arisaema japonicum*, Bl.

木本植物

紫竹	<i>Bambusa nana</i> , Roxb. var. <i>gracillima</i> , Krz.
終南山之觀 樾	<i>Torreya nucifera</i> , S. & Z.
葛	<i>Pueraria Thunbergiana</i> , Benth.
山	
木	棗 <i>Zizyphus vulgaris</i> , Lam.
正	瓜 <i>Cydonia vulgaris</i> L.
木	<i>Euvonymus japonica</i> , Thunberg.
提	<i>Tilia chinensis</i> , Maximowicz.
青	桐 <i>Sterculia platanifolia</i> , L.
柿	子 <i>Diosperus Kaki</i> , L.
七	葉樹 <i>Aesculus turbinata</i> , Bl.
槭	<i>Acer pictum</i> var. <i>parviflorum</i> , Schneider,
胡	桃 <i>Juglans regia</i> , L.
黃	連 <i>Pistacia chinensis</i> , Bunge
榆	樹 <i>Ulmus parvifolia</i> , Jacquin.
朴	樹 <i>Celtis bungeana</i> , Blume.
五十七 山	楂 <i>Crataegus</i> spp.
接	骨木 <i>Sambucus racemosa</i> , L.
冬	青 <i>Ligustrum lucidum</i> , Aiton.
冬	青葉櫛 <i>Quercus semicarpifolia</i> , Smith.
榭	<i>Quercus dentata</i> , Thunberg.
櫟	<i>Quercus serrata</i> , Thunberg.

櫛		<i>Quercus glauca</i> ,	Thunberg.
貴	陽	<i>Pterocarya stenoptera</i> ,	De Candole.
秦	皮	<i>Fraxinus griffithii</i> ,	Clarke.
枹		<i>Fraxinus chinensis</i> ,	Roxburgh.
檮	樹	<i>Ailanthus vilmoriana</i> ,	Dode.
漆	樹	<i>Rhus vernicifera</i> ,	Stockes.
苦	蓮	<i>Melia azederach</i> ,	L.
香	椿	<i>Cedrela sinensis</i> ,	Jussieu.
欒	樹	<i>Koelreuteria paniculata</i> ,	Laxm.
構	樹	<i>Broussonetia papyrifera</i> ,	Vent.
皂	角	<i>Gleditschia sinensis</i>	Lamarck.
紫	荆	<i>Cercis chinensis</i> ,	Bunge.
桐		<i>Paulownia tomentosa</i> ,	Koch.
梓		<i>Catalpa fargesii</i> ,	Bureau.
馬	尾松	<i>Pinus sinensis</i> ,	Lambert.
赤	松	<i>Pinus massoniana</i> ,	Lambert.
白	松	<i>Pinus Bangeana</i> ,	Zuccarini.
片	栢	<i>Thuja orientalis</i> ,	L.
檜		<i>Juniperus formosana</i> ,	Hayata.
栗	子樹	<i>Castanea vulgaris</i> , Lam. var. <i>japonica</i> , DC.	
槐	樹	<i>Sophora japonica</i> ,	L.
陲	柳	<i>Salix babylonia</i> ,	L.
白	楊	<i>Populus tremula</i> , L. var. <i>Davidiana</i> , Schneider.	

終南山及華山一帶，地方偏僻，交通閉塞，故天然植物，被人類之摧殘較輕；氣候適宜，草木暢茂，種類繁庶，非罄數年之功，不足以研究該二處植物界之全豹。茲謹就二三日之遊覽，沿路兩傍，眼光所能及之植物，列名於下，俾留心於內地之植物者，得知其概況。

李順卿識 十三，九，十，

終南山之觀察



第六章 華山之觀察

第一節 華山之區域

秦嶺山脈，西起陝西漢中道鳳縣，東經關中道郿縣，塾屋，鄂縣，長安，臨潼，渭南，華縣，華陰等縣，至潼關，而與崤山連接，東西長約八九百里，最高之峯爲太白山，在郿縣境內，其東爲終南山，在長安境內，東爲驪山，在臨潼境內，又東爲少華山，在華縣境內，又東爲太華山，在華陰境內。普通所稱之華山，即指太華，高出海面約萬尺，至頂列爲三峰。西曰蓮花峰，峯之石竅隆不一，皆如蓮葉倒垂，俗名西峯。南曰落雁峯，在蓮花峯東南，約三四里，曠莽無際，俯瞰三秦，爲三峯中之最高者，俗名南峯。東曰朝陽峯，在落雁峯東北，約三四里，較落雁峯略低，俗名東峯。朝陽峯之西，有一小峯，狀甚秀異，如爲朝陽峯所抱者，是爲玉女峯，俗名中峯。此四峯總爲一大峯，周十餘里，外面壁立，而內面傾斜，蓮花峯之東北麓，地勢最低，雨時則四峯之水，皆會於其處，俗名玉井，亦曰

玉泉，玉泉之水北流至北崖，化爲瀑布，瀉入崖下。北崖東北隅有一孤廟，名金鎖關，爲登華頂者必經之路。出金鎖關，東北下，另登一孤峯，名五雲峯，地勢較華頂四峯皆低，爲登華頂者必經之路。由五雲峯東北下，經過蒼龍嶺，上天梯，擦耳崖，而至雲臺峯，途中所經之路絕險，眼界極寬，爲華山最勝境。雲臺峯爲另一孤峯，俗名北峯，地勢較五雲峯又低，中間有蒼龍嶺聯絡之，勢若長虹，爲天然之棧道。自此峯西北下，經過老君犁溝，百尺峽，千尺幢，——音同——而至青柯坪，雖地勢奇險，攀登極難，然眼界之空曠，遠不及蒼龍嶺矣。自青柯坪北下，經過十八盤路，而至莎蘿坪，地勢之陡，等於南五臺絕頂，然較之百尺峽，千尺幢，則益爲坦途矣。自莎蘿坪以下至谷口，地勢傾斜益減，與南五臺三天門以下相等，愈爲坦途矣。茲試將華山之峯及登華頂所經之路程，列舉於左，以供參考

一、華山之峯

1. 華頂，分爲四峰，總爲一大峯，周圍約十餘里。

甲，南峯，卽落雁峯，爲華頂最高峯，拔海約萬尺。

乙，西峯，卽蓮花峯，在南峯西北約三四里，較南峯略低。

丙，東峯，卽朝陽峯，在南峯東北約三四里，較西峯略低。

丁，中峯，卽玉女峯，在東峯西北不足一里，較東峯又低。

2. 五雲峯，在華頂東偏北，較中峯低。

3. 北峯，卽雲臺峯，在五雲峯東偏北，較五雲峯又低。

二、登華頂所經之路

1. 谷口，在華陰縣治南十里，亦各張超谷，所經之路平坦。

2. 第一關，在谷口南五里，亦曰五里觀。路漸高。

3. 莎蘿坪，在第一關南五里，路益高。

4. 毛女洞下院，在莎蘿坪南五里，所經之路爲十八盤，甚陡。

5. 青柯坪，在毛女洞下院南五里，所經之路益陡。

自谷口至青柯坪，山路約二十里，尚可乘肩輿，惟險路仍須步行。

6. 北峯，在青柯坪東南十里，所經之路，爲千尺幢，百尺峽，老君犁溝，奇險絕陡，只能步行。

7. 五雲峯，在北峯西偏南五里，所經之路，爲擦耳崖，上天梯，蒼龍嶺，奇險絕陡，只能步行。

8. 華頂，在五雲峯西偏南五里，所經之路爲金鎖關，甚陡，只能步行。然較之千尺幢，百尺峽，老君犁溝，擦耳崖，上天梯，蒼龍嶺等，則險峻之程度，似乎稍遜。

以上所舉路程：自谷口至青柯坪二十里間，尙屬坦途，方向大體向南，但稍偏東。自青柯坪至北峯約十里，方向向東南；自北峯至五雲峯約五里，方向向西稍偏南；此十五里間，爲華山勝境，道路極其難行。自五雲峯至華頂約五里，方向向西南，道路比較尙屬易行。

華山險峻之路，兩旁——或一旁——必有鐵索，行人可以攀援而進。相傳鐵索

創置於宋眞宗時，歷代時有增置，或修補；清高宗乾隆中，畢秋帆巡撫陝西，其纏足之如夫人欲登華山，秋帆爲之大行修理；中間偶有斷續之處，爲當代善男信女所修復者，則用鐵牌勒其姓名於鐵索旁，以迷信之心理，謀交通之便利，眞可謂功德無量，我輩遊人受惠不淺也。相傳每年開廟會時，纏足之婦女，登山朝拜者甚多，陳前督之如夫人數人，亦皆登過一次。

華山諸地，凡山頂曰峯，兩峯中間連接之石梁曰嶺，山邊曰崖，兩山間曰峽，山間之低地曰谷，山間之平地曰坪，山岩之穴曰洞。

第二節 登華山旅程日誌

余以八月十四日，赴南五臺，十五日，還長安，十六日，復在西北大學暑期學校授課一次，結束講義。十七日午前七點，發長安，就還京之途，同行者爲李幹臣，陳對玄，李濟之，蔣廷黻及西北大學校長室秘書段民達紹岩，共六人，相約往遊華山。西北大學校長傅佩青，將回蘭封，爲其封

翁祝壽，亦同行，分乘汽車二輛。九點，至渭南，赴縣立高等小學校，訪劉靜波，適值靜波有事羈身，不克同行，余等乃辭去。十二點半，至華陰，謁縣長徐文永少甫，適劉督軍先來電請其照料，徐縣長款待甚優，在縣署用茶點畢，派保衛團五名，引路兼護送，導余等赴華山麓，佩青因急於趕路，先辭謝赴潼關。

是日午後三點，余等六人，分乘騾車三輛，出華陰西門，折而南，行十里，四點，至華山麓。徐縣長先請華陰縣承審員施仁政靜谷，警佐李廷獻修甫，縣署會計李廷臣相輔，在此接待，住仙姑觀。

觀在華山北麓，谷口東，距谷口不足半里，爲唐睿宗女西城公主潛修之所。—唐中宗景龍四年六月 睿宗即位 十二月 以西城隆昌二公主爲女官 以資天皇太后之福 欲爲造觀 諫議大夫寧原悌 補闕辛替否上疏諫 不聽 後改封西城爲金僊公主 隆昌爲玉眞公主— 正殿祀九蓮聖母，西配殿祀金僊公主，爲唐代金僊觀遺址。玉眞觀在其東，約半里

許，地名華山城子，其廟已圯，遺址被居民侵佔，建爲房屋。

仙姑觀爲西峯下院，每年三月間，開全山大會，九月九日，開西峯廟會，觀內香火甚盛，香客以商雒一帶者居多數。觀內植物甚多，有松，柏，椿，香椿，梧桐，青桐，槐，楊，桑，榆，檜，棗，杏，核桃，樅，紫金等樹，皆高過屋頂，紫金高約四五丈，大樹也。後院有竹數百竿，青葱可愛。

五點五十分，往遊玉泉院。

院在仙姑觀西不足半里，南接華山北麓，西鄰谷口。華頂玉泉之水，由北崖瀉爲瀑布，降至崖下，流入青柯坪下之山溝，合石隙細流之水，匯爲深澗，下流穿過本院南牆，出北牆，北流數十里，入渭水。其水甘而冽，可以供飲料及灌溉之用，故其流域頗有稻田，玉泉院之得名以此。正殿祀陳希夷先生，建築甚偉大。內院植物甚多，有青桐，紫荊，黃楊，牡丹，桂花，玉蘭，枳，金縷弔蝴蝶——人造樹用冬青樹接成——等。外

院有希夷洞，供希夷先生石臥像。有希夷先生手植無憂樹——榆之一種——數株，爲後五代末宋初之古樹，傳世之久幾近千年，老幹輪困，枝葉扶疏，巨物也。旁有無憂亭一座，建築古峭，下視渭水流域平原，眼界空濶。院外竹園極多，風景甚麗。

晚，宿於仙姑觀，縣署送來晚餐，甚豐腴。

由山麓至山頂約四十里，往返步行，甚爲困難。由山麓至青柯坪二十里間，本可以乘肩輿，——一圈椅縛兩扁擔——前後二人抬之——俗名山兜——奈一個月以前，住陝某師長——赴青柯坪避壽，軍界來祝壽者甚多，僱肩輿至二十餘抬，所發下之賃價，多數爲僕從乾沒，輿夫索價，有時反被僕從歐辱，故輿夫對於官廳完全不信用，余等此次僱輿乃大費周折。幸施先生李警佐從中調停，議定一送一接，照兩次之腳價開發，先發賃價，後送酒資，僱定肩輿八抬，約次日清晨起行。

十八日午前八點，乘肩輿上山，李警佐李相輔偕行，隨帶巡警八名，引路

兼護衛。西行不足半里，經過玉泉院前，即至谷口。入谷向南稍偏東，循玉泉澗水進行，沿路大石磷砢，水聲潺湲，道路甚陡甚窄，寬不過二尺，無十步外之坦途。谷中有一巨石，爲前清光緒十年六月，雨中由山上沖落溪中者，俗以其形似魚，呼曰魚石。八點四十五分，行五里，至第一關，旁有五里觀，祀關壯繆，在此小憩飲茶。又南行二里，至蓮花洞，又三里，經過桃林坪，希夷峽，至莎蘿坪，小憩。

莎蘿坪祀上帝，舊傳有大莎蘿樹，蔭可數畝，今已無其迹。

自莎蘿坪前進，山路益陡，稱爲十八盤，余等下輿步行。又五里，至毛女洞下院，小憩。莎蘿坪之東，隔溪絕壁最高處，號曰上方，相傳爲陳希夷隱居處，以非必經之路，故不往。毛女洞下院西高岩上，有洞在焉，相傳毛女名玉姜，字正美，爲秦始皇宮女，殉葬驪山者；以計脫，隱居於此，以非必經之路，故亦不往。

自毛女洞前進，山路益陡，時常下輿步行。十點二十分，行五里，至青柯

坪，自谷口至此，山路約二十里，行二小時以上。青柯坪之廟名通仙觀，廟共四所，道士七八人，住持高禮江，字九源，山東泗水縣人。此觀爲北斗坪下院，北斗坪在觀西約數里，爲一高聳之孤峯，以非必經之路，故不往。此處爲明末理學大家馮從吾先生講學處，舊名太華書院。

青柯坪在華山腹，地勢幽秀，眼界空曠，北望渭水流域平原，如在目前。南望西峯，壁立千仞。西峯之東，沿華頂北崖隆起之處，爲二十八列宿潭。旁有大瀑布，直下數千仞，頗壯觀瞻，俗呼爲水簾洞，因天久旱無雨，水已涸，僅留其痕跡。瀑布之旁，岩石上，有天然二像，形如二人比肩，俗呼爲和合二仙。瀑布之東，沿華頂北崖隆起之處，爲金鎖關。

青柯坪以下之山路，皆沿澗水進行，至此則與澗水分離，澗水向正南，與瀑布連接，人路向東南，面峭壁進行矣。

自青柯坪以上，須捨輿步行，余等在此午餐，藉資休息。午後一點半，起

身向東南進行；隨帶巡警二名，壯夫二名，引路兼攜帶衣物，——自此以上皆一夫當關萬夫莫開之路。土匪絕對不能伏藏。無須多帶巡警——其餘之巡警，皆留住青柯坪，保護谷口。行約里許，至迴心石，凡登山心志不堅者，至此多廢然而返，故有此名。又東南行數百步，路皆斜削絕壁；攀鐵索而上，約一里餘，至千尺幢。

千尺幢在峭壁上，鑿石成級，以鐵索納石孔中，絡鐵索其上，俾遊人攀附斜上，如是者數十步，復易斜上而爲直上。其峭甚不能成級者，則鑿石成孔，令入足之半，左右垂鐵索，攀之而上。凡數轉始至其巔，共約三百九十四級。

一點五十分，上千尺幢，北轉一坡，約里許至百尺峽。

峽在兩崖間，石級及鐵索之構造，略如前狀，但高不及百步，峽盡處有大石夾崖而覆其上，行人探首側身出其中，形如鼠穴。水經注所謂：「南至天井，裁容人，穴空迂迴傾曲而上，可高六丈餘，上者皆所由涉，

並無別路，欲出井望空視明，如在室窺窗也云云」；即指此處。

東行約三四里，經過二仙橋，車箱谷，二點十分，至群仙觀，小憩。復折而南，至老君犁溝。

溝距百尺峽約五里，峭壁上有溝如犁闢，鑿石級容足，兩旁石壁上懸鐵索，行人以手攀援而上，計二百五十二級，其險峻之度，與千尺幢略等。但東面石壁甚低，其下爲深谷，探首其中下望，頗令人惴惴。

出老君犁溝後，折而東南行，約里許，二點三十分，至北峯，形窄而長，尖峯聳拔，一徑斜通，在此處小憩飲茶。時細雨冥濛，氣候漸冷，暝色蒼然四合。紹岩以精神不快，留宿於此。

三點半，發北峯，向西南進行，在懸崖東面攀鐵索而過，是爲擦耳崖。約里許，至上天梯，懸崖直立，作垂直綫形，兩旁有鐵索，中有容半足之石級，躡足攀援而上，歷三十八級而至其巔，是爲日月岩。上有洞名金天洞，祀西岳山神，洞之高廣深皆在二丈以上，所供之神皆石像。

三點四十分，南行，約里許，至蒼龍嶺。

蒼龍嶺爲北峯與五雲峯之連鎖，北低南高，南北兩頭爲峯，東西兩旁爲谷，中間以一綫石梁接合，寬不逾三尺，長二百四十六級，勢如長蛇，頭在五雲峯上，尾達日月岩上。兩旁之谷，壁立萬仞，俯首下視，不寒而慄。賴中間有石級，兩旁有石欄杆，上繫鐵索，行人拾級攀索，猥升而進。嶺上風極高，氣候極冷。相傳石級石欄杆與鐵索，係宋眞宗時所設，宋以前之登山者，過蒼龍嶺時，皆伏身於嶺上，如騎馬狀，以手代足，匍匐而進。韓退之登華山，還至蒼龍嶺上之龍口——地名在嶺西——不敢下，痛哭投書於嶺下，求救。畢秋帆登華山，遇暴雨，卷伏於嶺上二小時，皆此處也。

千尺幢，百尺峽，老君竪溝，上天梯，蒼龍嶺，皆稱奇險，然上天梯極短，只管瞻前不顧後，自然不害怕，亦並不十分費力。千尺幢，百尺峽，兩旁石壁甚高，行人如鼠行穴中，雖氣喘汗流，然頗不害怕。老君竪

溝西面爲高峯，東面爲深谷，溝頗淺，行人常探半身於溝外，俯視足下，危岩高聳，下臨無地，未免心驚。蒼龍嶺則石脊凸起，行人全身站立脊上，兩旁皆萬仞深谷，尤覺不寒而慄。

四點一刻，至五雲峯，陰雲四合，暮色蒼茫，不敢停留，攀藤附葛，魚貫而進。四點四十分，至金鎖關，——名通天門——石級陡然高起，寒氣驟至，同人在此遇風，多感寒疾。自此循中峯北麓西下，經過細辛坪，鎮嶽宮，五點十分，上西峯。

鎮嶽宮在西峯下，玉井在其前，圓徑約五丈，韓退之詩所謂：「太華峯頭玉井蓮，花開十丈藕如船」者；是也。華頂四峰皆無泉，在岩石上鑿洞，存儲雨水供飲用，天久旱無雨，儲水涸竭，則往玉井取水，井內有泉，冬夏不竭。

西峯之廟，座西向東，名翠雲宮，祀三聖母。廟前有大石，形似蓮瓣下垂，其下有洞，名蓮花洞。洞口石上刻徑尺大字四，曰太乙蓮台。廟後

有大石，長十餘丈，浮置峯頂，中間有大裂文，斬然斷而爲三，名劈斧石，俗傳爲陳相子斧劈華山遺蹟。南端之大石片，其緣邊出入，俗呼曰蓮花瓣。岩石上之凸凹似趾痕者，曰巨靈足跡。

是晚宿於翠雲宮，被褥係呢面布裏，但不大潔淨，且濕氣太重，跳蚤甚多。夜間聞山下風雨聲大作，然山上無風無雨，只覺寒冷潮濕。翌晨，紹岩至自北峯，始知北峯頂上風雨甚急，夜深始止。

十九日晨起，出翠雲宮後門，登捨身崖，爲西峯最高處。北望黃河如帶，渭水如葦，渭水流域平原如掌，首陽山如培塿，皆在目前。南峯，東峯，中峯之宮觀，如望衡對宇而居，臨眺即是。

午前九點出發，向東南進行，過屈嶺，至南峯麓。

屈嶺俗名駱駝項，爲西峯南峯之連鎖，其西爲西峯，東爲南峯，南北兩傍爲深谷，形狀頗似蒼龍嶺。然長不逾十丈，寬可五六尺，兩傍之谷在華頂上，深不過數十丈，險峻之程度不及蒼龍嶺。而中間無石級，兩旁

無石欄，無鐵索，僅中間有一綫鐵索，遊人在兩傍援索而行，大石甚滑，稍一不慎，容易跌倒，其難行之程度，反在蒼龍嶺以上。四圍爲華頂所遮，眼界之空曠，亦遠不及蒼龍嶺。

九點一刻，至老君煉丹爐，一平常道觀，無可觀。復東南上，九點半，至仰天池，山風甚高，氣候甚冷。

仰天池在南峯絕頂，爲華山最高處，北望黃河，渭河，北洛河，南望秦嶺山脈，皆在目前。池內一泓清水，方不盈丈。其東爲老子祠，其南緣山坡稍下爲黑龍潭，方廣與仰天池略等，爲畢秋帆祈雨處。

九點四十分，至南峯，小憩，飲茶。住持道欲敲竹槓，持緣簿來募化，余等皆窮措大，無貴人，皆研究學術者，無迷信宗教者，辭謝，乃已。

南峯之廟名金天宮，祀西岳，後跨院祀龍王，廟坐南向北，建築比翠雲宮偉大。

十點半，東北循山崖，下行十數丈，過陳搏避詔崖。——相傳宋太祖即位後

詔徵陳搏 搏不應詔 避居於此 故名避詔崖——復折而東南，循崖而上，約半里許，十點四十分，至南天門，小憩。

南天門在南峯東側，祀五雷財神，下臨絕壑，由此可視南峯陽面之絕壁。自南天門循絕壁向西，有木造之細路曰長空棧，鑿絕壁半腰，寬三四寸，以鐵棧插壁，承以狹板，藉以容足；壁上橫綴鐵鎖，藉以容手；中間高下不接之處，垂雙鎖以連絡之，人行其間，則面壁，舒臂，緣鎖，以足橫移，或緣鎖下縋。下臨千仞絕壑，棧長十餘丈，其盡處爲賀老石室，係元時道士賀元真——本廟開山祖師——避靜處。此處雖險，然非必由之路，可以不必往；且其險係人工所造，非天然生成，與蒼龍嶺，駱駝項相較，價值遠不如矣。

下南天門，向東北行，約三里，十一點，至東峰，小憩，飲茶。

東峰之廟名八景宮，坐北向南，祀三清，地基較金天宮略小。其東南方有一小峰，相隔不過數十丈，頂平；上有小廟，係以鐵鑄成。此峰名博

臺，相傳爲秦昭王勒博箭處，又謂爲衛叔卿圍碁處。由東峰東畔懸崖，懸鐵索，長約數十丈，崖上鑿石成孔，僅容足指，面向內，背向外，攀援而下；道路極險，專恃臂力。中間最險峻處，俗名鷓子翻身，幹臣，濟之，延獻三君，相偕往觀，余以此峰風景，在東峰臨眺，可以一覽無餘，故不往。

十一點五十分，下東峰，西行北轉，十二點十五分，上中峰。

中峯之廟名玉女宮，祀聖母，廟坐北向南，基址比東峰稍大。殿前大石上，有玉女洗頭盆，石上一小洞，直徑不過二尺，雨水滿注其中，集仙錄所謂：「水色碧綠澄澈，不溢不耗」者，其謂是歟？中峰在東峯左腋，由東峯頂至中峯頂，相距不過數十丈，可惜無蒼龍嶺，駱駝項等天然石梁聯絡其間，行人由此之彼，有上下之勞，故路程覺遠耳。

十二點半，由中峯北下，回至金鎖關，遙望東峰，仙人掌儼然在目前。

仙人掌在東峯東北崖上，途中可以遙望之，及至東峯則反不見。賈氏談

錄謂：「山石本黑，膏出於壘，從上溜下，作淡黃微白色，間之黑壁中，上則五歧，下則片屬，歧者如指，屬者如掌，復有細溜數百，雜五歧間，自遠望之，細者不見，惟見其大者，故五歧如指耳」。

一點一刻，回至五雲峯，小憩，午餐。

五雲峯之廟名通明宮，祀玉皇上帝。

二點，出發，五點三刻，回至青柯坪，宿於通仙觀，跳蚤太多，夜不能寐。道士持紙索書，余不能書，代擬數聯，托紹岩代書，分落同行諸公下款，茲錄原聯於左：

一，推窗看月色 倚枕聽泉聲

二，好鳥得真趣 奇花聞妙香

三，捲簾朝北斗 倚枕望南山

青柯坪爲北斗峯下院 故云然

二十日午前七點半，乘肩輿下山，八點半，回至五里觀，小憩。九點，回

至仙姑觀，九點半，乘騾車北行，十點四十分，回至華陰縣署，徐縣長留共午餐。紹岩作七律二首以記此行，茲介紹於左：

紅塵夢想金天嶽。難得今朝汗漫遊。適館授餐勞邑宰。行吟坐嘯萃名流。經藏王猛台無恙。詔避陳搏樹解憂。修竹萬竿新雨後。仙姑宮觀暫勾留。

太華峇嶢足盪胸。白雲深處訪仙蹤。攀梯直上蒼龍嶺。度索飛登落雁峯。玉井芙蓉花朵朵。星潭松檜翠重重。仰天池上呼天問。天下何時靖燧烽。

望岳

杜甫

西岳峻嶒竦處尊 諸峯羅列似兒孫 安得仙人九節杖 掛在玉女洗頭盆 車箱入谷無歸路 箭括通天有一門 稍待秋風涼冷後 高尋白帝問真源

第三節 華山與他山之比較

甲華山與終南山之比較

1. 華山自麓至頂，號稱四十里，終南僅稱三十里，其不同之點一。
2. 華山之路，石多於土，終山之路，土多於石，其不同之點二。

3. 華山之路：自青柯坪以上，若干尺幢，百尺峽，老君犁溝，蒼龍嶺，駱駝項等，皆奇險絕陡，極其難行，終南山則較爲易行，其不同之點三。

4. 二山之路：皆寬處不過三尺，窄處不過二尺，其相似之點一。

5. 二山山麓皆有澗水，皆至山腹而中斷，其相似之點二。

6. 二山之澗水，皆流入山下，灌溉稻田，資民間利用，其相似之點三。

7. 二山絕頂皆無泉，以雨水供飲料，雨水涸竭時，則取之於峯下，一華山取之於玉井 終南山取之於四天門——其相似之點四。

8. 二山皆雜樹多，松柏少，其相似之點五。

9. 二山之樹，皆賴迷信保存，其相似之點六。

10. 華山自山腹以下，樹木缺乏，北峯以上，始漸繁衍。終南山隨處皆有樹木，二天門以上，即逐漸繁衍。其不同之點四。

11. 二山皆富於廟宇，其相似之點七。

21. 華山之廟皆道觀，終南山之廟皆僧寺，其不同之點五。

13. 華山之廟創建較古，——唐宋以前——終南山之廟創建較新，——明清之際——其不同之點六。

14. 華山之廟有下院——非全數有下院，——終南山之廟無下院，其不同之點七。

15. 華山之廟，住持皆終身，並世襲，——傳徒弟——終南山之廟，住持皆雇員，其不同之點八。

16. 華山之廟無會長，財產歸住持管理，終南山之廟有會長，財產歸會長管理，其不同之點九。

17. 二山之廟皆無許多不動產，大體恃香客之香資與遊人之酒資維持，其相似之點八。

18. 華山無女道士，終南山亦無尼僧，其相似之點九。

以上爲華山與終南山之比較，凡相似者九，不同者九。

乙 華山與泰山之比較

1. 二山俱爲五岳之一，俱受古帝王崇拜，其類似之點一。
2. 華山自麓至頂，號稱四十里，實則不止四十里。泰山自麓至頂，凡四十八里。二山里數不相上下，其類似之點二。
3. 二山高度俱不及雪線，其類似之點三。
4. 山皆石山，自頂至麓，石多於土。其類似之點四。
5. 華山自谷口至青柯坪二十里間，道路比較易行，自青柯坪至五雲峯十五里間，道路陡峻難行，自五雲峰至華頂四峰間，道路又較易行。泰山自一天門至中天門凡二十二里間，道路比較易行，自中天門至南天門十八里間，道路陡峻難行，自南天門至玉皇頂間，道路平坦易行。二山之路：皆中間崎嶇，兩頭比較平坦，其類似之點五。
6. 華山之路，自北向南，曲折較多，曲折之度較大。泰山之路，由南向北，曲折較少，曲折之度較小。其不同之點一。
7. 華山之路，寬不過二三尺，肩輿只能到半山，泰山之路，寬逾一丈至二

丈，肩輿可以到絕頂，其不同之點二。

8. 泰山最陡之路，只有南天門下之緊十八盤，華山之路：若干尺幢，百尺峽，老君犁溝，上天梯等，其陡峻之度，皆與之相等。蒼龍嶺，駱駝項等之險峻石梁，泰山無有。其不同之點三。

9. 泰山在中天門上，尚有平坦大路，稱爲快活三里，華山自青柯坪上，步步險峻，快活一里皆無，其不同之點四。

10. 泰山之絕頂爲平地，玉皇頂，日觀峯，月觀峯，俱在其上，周圍不過數里。華山之頂：爲蓮花，落雁，朝陽，玉女四峯，道路崎嶇，周圍約十餘里。其不同之點五。

11. 二山山麓皆有澗水，皆至半山而中斷，其類似之點六。

12. 二山山頂皆無泉水，皆自峯下取水以供飲料，其類似之點七。

13. 華山自半山以上多雜樹，松柏絕少。泰山則五大夫松以下皆柏，以上皆松，並無雜樹。其不同之點六。

14. 二山皆富於道觀，其初建年代皆較古。其相似之點八。

15. 華山僅有道觀，泰山之斗母宮，則歸尼僧住持，其不同之點七。

16. 華山道觀，皆預備被褥，供遊人止宿，泰山無此設備，其不同之點八。

17. 華山之肩輿用圈椅，乘客比較難過，泰山之肩輿用網兜，乘客比較舒服，其不同之點九。

18. 泰山古碑多，華山古碑少，其不同之點十。

以上爲華山與泰山之比較，凡相似者八，不同者十。

丙 華山與北京西山之比較

1. 華山以峯著名，西山以寺著名，一係天造，一係人工，其不同之點一。

2. 華山甚高，有名之寺皆在山頂，西山較低，有名之寺皆在山麓或山腹，

其不同之點二。

3. 華山之路，石多於土，西山之路，土多於石，其不同之點三。

4. 華山之路，極其崎嶇，西山之路，較爲平坦，其不同之點四。

5. 華山澗水較多，農民可資以灌溉，西山泉水缺乏，農田不能藉以維持，其不同之點五。

6. 華山植物，種類較多，西山植物，種類較少，其不同之點六。

7. 華山皆道觀，西山皆僧寺，其不同之點七。

8. 華山之廟較爲朴陋，西山之寺極其宏壯，其不同之點八。

9. 華山之廟不動產較少，西山之寺不動產頗多，其不同之點九。

10. 華山之廟：香客多，遊人少，收入多香錢。西山之寺：遊人多，香客少，收入多茶飯錢及酒資。其不同之點十。

11. 華山之廟，道士人數較少，西山之寺，僧人人數較多，其不同之點十一。

12. 華山道士較爲檢樸，對於遊客，多係自己接待。西山僧人較爲奢侈，對於遊客，多派僕人接待。其不同之點十二。

華山植物甚多，幹臣調查頗詳，茲將其調查所得之結果，列舉於左，以供

華山植物

草本植物

華山之觀察

狗脊	Woodwardia sp.	Sm.
地柏	Selaginella kraussiana,	Br.
甘草	Pteris semipinnata,	L.
土馬	Polystichum coarctum,	L.
蕨	Pteridium aquilinum,	Kuhn.
蘋	Marsilia quadrifolia,	L.
問荆	Equisetum arvense,	L.
石韋	Polypodium lingua,	Sw.
毛堇	Ranunculus acer,	L.
秋牡丹	Anemone japonica,	S. & Z.
馬鞭草	Verbena officinalis,	L.
羊蹄	Rumex japonicum,	Meisn.
赤地利	Polygonum chinense,	L.
苦蕒	Lactuca decurculata.	Max.
龍葵	Solanum nigrum,	L.
蒲公英	Taraxacum sep.	
黃花蒿	Artemissia annua,	L.
牡蒿	Artemissia japonica,	Thunberg.

龍膽	<i>Gentiana scabra</i> , Bunge, var. <i>buergerii</i> , Max.
狗舌草	<i>Senecio campestris</i> , DC.
牻牛兒苗	<i>Geranium nippalense</i> , Sweet.
箭筈豌豆	<i>Vicia sativa</i> , L.
委陵菜	<i>Potentilla chinensis</i> , Ser.
堇菜	<i>Viola</i> spp.
芎藭	<i>Conioselinum univittatum</i> , Turcz.
耬斗菜	<i>Aquilegia flabellata</i> , S. & Z.
延胡索	<i>Corydalis ambigna</i> , Ch. & Schl.
蛇莓	<i>Duchesnea indica</i> , Fock.
甘遂	<i>Euphorbia sieboldiana</i> , Morr.
細辛	<i>Asarum sieboldi</i> , Miq.
麥門冬	<i>Liriope graminifolia</i> , Back.
麻黃	<i>Ephedra vulgaris</i> , Rich, var. <i>helvetica</i> , H. & T.
茜草	<i>Rubia cordiolia</i> , L. var. <i>Mungistata</i> , Miq.
費菜	<i>Sedum kamtschaticum</i> , Fisch.
貫衆	<i>Aspidium falcatum</i> , Sw.
過壇龍	<i>Adiantum pedatum</i> , L.
註羊齒	<i>Asplenium japonicum</i> , Thunberg.
萬年松	<i>Lycopodium obscurum</i> , L.
黃精	<i>Polygonatum gigantum</i> , Dietr. var. <i>Thunbergii</i> , Max.

華山之觀察	姜 薤	<i>Polygonatum officinale</i> ,	All.
	貫月忍冬	<i>Lonicera semipervirens</i> ,	Ait.
	山 小 菜	<i>Campanula punctata</i> ,	Lam.
	山 藥	<i>Dioscorea japonica</i> ,	Thunberg.
	天 門 冬	<i>Asparagus lucidus</i> ,	Lindl.
	菖 蒲	<i>Acorus calamus</i> ,	L.
	山 蒜	<i>Allium nipponicum</i> ,	Fr. & Säv.
	博 落 迴	<i>Macleya cordata</i> ,	R. Br.

木 本 植 物

八十九	紫 竹	<i>Bambusa nana</i> , Roxb. var. <i>gracillima</i> ,	Krz
	雲 斑 竹	<i>Bambusa</i> sp.	
	江 南 竹	<i>Phyllostachys mitis</i> ,	Riv.
	白 桑	<i>Morus alba</i> ,	L.
	榧	<i>Torreya nucifera</i> ,	S. & Z.
	木 槿	<i>Hibiscus syriacus</i> ,	L.
	蝴 蝶 樹	<i>Viburnum tomentosum</i> ,	Thunberg.
	山 棗	<i>Zizyphus vulgaris</i> ,	Lam.
	猴 橘	<i>Citrus limonum</i> ,	Risso.
	正 木	<i>Euvonymus japonica</i> ,	Thunberg.
	菩 提	<i>Tilia chinensis</i> ,	Maximowicz.
	級 木	<i>Tilia paucicostata</i> ,	Max.
	樺 葉 菩 提	<i>Tilia Henryana</i> ,	Szyszyłowicz.
	枳 椇	<i>Hovenia dulcis</i> ,	Thunberg,

青 桐	<i>Sterculia platanifolia,</i>	L.
五 加 樹	<i>Acanthopanax spinosum,</i>	Miq.
柿 樹	<i>Diosperus Kaki,</i>	L.
七 葉 樹	<i>Aesculus chinensis,</i>	Bunge.
栗 子 樹	<i>Castanea mollisema,</i>	Blume.
小 葉 槭	<i>Acer cappadocicum,</i>	Gleditsch.
三 角 楓	<i>Acer trifidum,</i>	Hook.
槭	<i>Acer pictum var. parvifolium,</i>	Schneider.
胡 桃	<i>Juglans regia,</i>	L.
黃 蓮 樹	<i>Pistacia chinensis,</i>	Bunge.
朴 樹	<i>Celtis Bangeana,</i>	Blume.
榆 樹	<i>Ulmus parvifolia,</i>	Jacquin.
無 憂 樹	<i>Ptero-celtis tartarinowii,</i>	Max.
萍 菓	<i>Malus theifera,</i>	Rehder.
山 楂	<i>Crataegus spp.</i>	
苦 莓	<i>Rubus coreanus,</i>	Miq.
接 骨 木	<i>Sambucus racemosa,</i>	L.
扶 移	<i>Amelanchier sinic,</i>	Schneider.
桃	<i>Prunus persica</i>	Stockes.
桐	<i>Paulownia tomentosa,</i>	Koch.
槐	<i>Sophora japonica,</i>	L.
白 楊	<i>Populus tremula, L. var. Davidiana,</i>	Schneider.
銀 楊	<i>Populus silvestrii.</i>	Pampanini.

瑞山貴秦檇漆欒皂紫榭冬榭櫟枹檇柯鐵樅針片檜紫五	木莢陽皮樹樹樹角荆寄生櫟柞杉樹樅栢樹杉松	<p><i>Cornus macrophylla,</i> <i>Cornus paucinervis,</i> <i>Pterocarya stenoptera,</i> <i>Fraxinus chinensis,</i> <i>Ailanthus grandulosa</i> <i>Rhus verniciflua,</i> <i>Koelreuteria paniculata,</i> <i>Gleditschia sinensis,</i> <i>Cercis chinensis,</i> <i>Viscum album,</i> <i>Quercus semicarpifolia,</i> <i>Quercus dentata,</i> <i>Quercus serrata,</i> <i>Quercus glandulifera,</i> <i>Quercus glauca,</i> <i>Passania cuspidata,</i> <i>Tsuga chinensis,</i> <i>Abies chinensis,</i> <i>Picea asperata?,</i> <i>Thuja orientalis,</i> <i>Juniperus chinensis</i> <i>Taxus cuspidata var. Chinensis,</i> <i>Pinus armandi,</i></p>	<p>wallish. Hance. De Candole Roxburgh. Desf. Stockes. Laxm. Lamarck. Bunge. L. Smith. Thunberg. Thunberg. Blume. Thunberg. Oerest. Pritzell. Van Tieghem. Masters. L. L. Rehder. Franchet.</p>
-------------------------	----------------------	--	---

白	松	Pinus Bangeana,	Zuccarini.
馬尾	松	Pinus sinensis,	Lambert.
赤	松	Pinus massoniana,	Lambert

第七章 歸途日誌

八月二十日，由華山回至華陰，在縣署午餐後，紹岩辭別，還長安。十二點，余等五人分乘騾車三輛東下，午後五點，至潼關。赴三十五師司令部，晤李副官，知余等行李船在潼關東七里店停泊，余等遂出東門，路上盤查甚緊，耽擱時間甚久，八點，上船。督署衛隊陳排長，受督軍委託，隨帶護兵八名，隨船押送行李，並護送余等赴陝州。劉靜波亦至自渭南，同時上船。

二十一日早四點，開船，遇東風，船橫行，借水力順流而下。午後，改西風，船行甚速。六點，至陝州，駐耀武大旅館。

二十二日早四點，起床，五點，赴車站，買隴海鐵路二等票赴鄭州，價洋三元二角。六點四十分開車，行甚緩，在各站停留甚久，沿途土山坡上，往往被雨水衝成小溝，其狀甚似麥隴，天然成草之繁殖地，宜於散布種子。十一點半，過澗池，爲秦昭襄王與趙惠文王相會處。午後一點，至金谷

園，爲綠珠墜樓處。六點，至鄭州，幹玄，靜波，廷黻四君乘原車赴徐州，余與濟之下車，換乘京漢二等車回京，票價十八元一角，床位票二元。

八點，過黃河橋，尙能睹物，氣象寥濶。

二十三日早六點，至順德，禾稼漸茂。內邱境內衝斷二鐵橋。九點，過石家莊，十二點十五分，至保定，禾稼尙茂。自漕河以北，直抵琉璃河，凡百餘里間，鐵路兩傍之農田，皆沒於水。午後三點四十五分，至長辛店，六點，至前門車站，七點，還寓。

此次歸途所經之路，與去時之路相同，無許多可記載，然途中在火車上，頗有幾種怪象，令人發噤，令人不平，茲追誌其梗概於左：

一，在陝州站上火車時：余與濟之二人行李，一同過磅，持秤者徵收逾量運費洋一元。余等匆匆上車，檢查行李票，乃明明記載行李未逾量。急欲下車與彼交涉退錢，而汽笛鳴鳴，車已開行，此錢已飽過磅員之私囊

矣。對於久在外旅行之我輩，猶用手段詐欺取財如此；對於不慣出門之鄉下人，其待遇更可知矣。

二，開車以後，路經某站，突來軍人二名，一似下級軍官，一似兵卒，帶領許多脚行，搬運無數小麻袋——內容似洋錢——上車。適幹臣離座赴便所，彼輩遂強佔幹臣之座；幹臣歸後，與之理論，彼等口出不遜之語，幹臣不得已，竟讓座焉。有槍階級對於無鎗階級之無禮如此，焉得不爲萬人嫉視。

三，隴海三等車人數擁擠，座位不敷用，後上車之客，站立座傍，妨碍交通者甚多；先上車之客，一人占據一椅，躺着睡覺者亦不少。利己心太發達，公德心太缺乏，火車上之職員竟熟視無睹，絕不過問。同等之客，兩樣待遇，火車上之客座，任客自由競爭，先上車者有優先權，試問車掌所司何事？維持秩序尙且作不到，遑問其他。

四，隴海路上，每過一站，查一次票，然偷上車者自若也。余座位旁，有

一客患傳染病，在車上大吐；斟玄告隨車巡警，請通知茶房，令其掃除，彼敬謝不敏，謂此事非彼所司，不便過問也。

五，到鄭州後，余與濟之換乘京漢二等車，買妥車票後，隨將陝州帶來之行李票，交與收容行李處職員，請其代轉京漢車。彼輩答以不管，不得已，現找脚行，自己乘彼處取出行李，再交與彼輩，換京漢行李票，耽擱十幾分鐘，僅得不誤開車鐘點。管理行李之職員，不代客人轉行李，須由客人自己向彼輩手中取出，然後再交與彼輩，始肯收受；耽擱時間，多花小費，——脚行錢——彼輩固不爲客人打算也。

六，二十二日晚，在京漢二等臥車上，余與濟之已就寢，室內床位已人滿，電灯已熄，門已鎖；忽來丘八數人，叩門欲入，茶房婉辭謝絕，彼等堅執不允，喧嚷多時，將余等驚醒，開門出視，彼等始信室內果然有客，乃已。花錢買票之客，爲不花錢之丘八所攪擾，不得安寢，不平孰甚

七，二十三日晨起，往飯車用早點，則見室內座位，滿布軍人，橫躺豎臥，到處皆是，有似下級軍官者，有似兵卒者，竟無插足之餘地。不得已，退回寢室，喚茶房去叫飯，始得果腹。公共飯廳，爲丘八所盤據，既妨碍飯車營業，又妨碍客人喫飯，不平孰甚。

八，二等臥車，每室只容四人。余所乘之車，有二室爲軍人盤據，每室各有三人，一人便服，類似軍官，二人軍裝，類似護兵，三人各占一鋪，下餘一鋪，安放行李，於是一室之四人票價，遂全數犧牲矣。京漢鐵路營業，安得不喫虧，買二等票之客人，上車以後，時常找不着座，火車上之管理員，只能向客人道歉，固無如此輩白坐車之軍人何也。



第八章 結論

此次赴陝：以七月七日，起身，八日，至鄭縣，九日，至陝縣，經過滎陽，汜水，鞏縣，偃師，洛陽，新安，澠池諸縣，似尙屬文化之區，因火車一通，則物質文明較爲發達也。然山多童山，地多白地，已現出一種蕭條寂寞景象。十日，發陝縣，十三日，至潼關，經過靈寶，閿鄉二縣境，則地近窮荒，兩岸有山無樹，河內有水無魚，二百里間，岸上無市鎮，無居民，無賣食物者，惟時見水面上有粗笨之木造貨船往來，荒涼寂寞，彷彿入洪荒世界。十四日，發潼關，經過華陰，華縣，渭南，臨潼四縣而至長安。二十六日，赴咸陽，二十七日，回長安。凡經過河南屬下十一縣，陝西屬下七縣，一路所見皆黃色，余欲以黃字代表各縣總顏色。蓋山——河南之外方山脈 崤山脈 陝西之終南山脈——皆黃，無樹。水——黃河及渭水——皆黃，無水草，有泥沙。田地皆黃，天旱尙未下種，無禾稼。城寨皆黃，有土無磚。——各縣縣城本皆磚築 然多年失修 磚亦殘缺殆盡——院牆屋壁

皆黃，不用磚築，用土與坯替代；不用石灰塗壁，用黃土塗壁。帝王之陵寢，古人之墳墓皆黃，無碑，無樹，又因天旱，草亦未長，有有院落者，則黃土頽垣；有無院落者，則一邱黃土而已。運搬器具皆黃，船有葦蓆頂，無木頂；二套轎車有葦蓆篷，無布帷；僱用之轎多數無帷，用蓆包其周圍，聊作障蔽。蒸食饅饅皆黃，因陝西以西，不用機器麵，只用中國舊式石磨所磨之麵。衣服皆黃，因水多雜質，夏天着用白色衣服，洗過幾次即變色。男子面色多黃，似略帶烟灰色。牙齒多黃，似牙刷牙粉用途尙未十分普及。小兒裸體，上下皆黃，代表亞洲人種，雍州上壤本色。上海社會之婦女迄未見過，不敢妄加臆斷，街上往來之婦女，多小本生意或勞動家之眷屬，足多纖小，臉帶泥沙，猶不失爲中央戊巳土正色也。

代表陝西渭水流域平原之顏色爲黃，代表終南山，華山之顏色爲綠。山皆綠，多青石。水皆綠，多清泉。谷皆綠，多芳草大樹。建築物多用磚石爲牆，用鐵或陶器作瓦，含青藍二色。山下多稻田，綠色一望無際。風景

之佳，略似江浙日本，獨可惜人工修理未至耳。

民國十三年九月十一日脫稿

王桐齡自誌



陝西在中國史上之位置

任邱王桐齡著

總論

陝西爲中國開化最古之地，其在中國政治史文化史上，有數種特別關係。

茲列舉於左：

- 一，陝西爲我先民由西方移居中國時：最先經由之路，最先占領之地。
- 二，陝西爲中國文化發源地。
- 三，陝西爲中國天子發祥地，凡憑藉陝西爲根據地起兵之英雄，多能剿滅群雄，統一中國。
- 四，陝西之咸陽長安等地，爲中國首都凡九百七十年。

陝西何以能有如此華貴光榮之歷史？則以陝西地理有種種特別優秀之點，茲試將陝西現在之地理略舉於左，以爲研究陝西歷史之前提。



第一章 陝西之地勢

第一節 四至

東北以黃河與山西分界，東以潼關與河南分界，——崤山脈與終南山脈相連接——南以巴山山脈與四川分界，西以蟠冢山，隴山，六盤山脈與甘肅分界，北以橫山脈與綏遠分界。東南方面界劃極爲清楚，西北方面界劃不大分明。東南方面之山脈河流頗極險要，西北方面之山脈河流較爲平坦。東南方面之山脈河流，在歷史上爲對漢族各國出入之門戶，西北方面之山脈河流，在歷史上爲對蒙古族回族藏族各部落交通之孔路。

第二節 自然區域

陝西一省：南北長，東西狹，其山脈河流皆自西向東，山脈與河流相間，兩山脈中間夾一河流，兩河流中間夾一山脈。南部之山脈皆高大，愈北愈低平，南部之河流皆寬長，愈北愈狹小。南部之地勢雄壯，北部之地勢廣漠。茲就山脈河流之自然區域，劃分陝西爲六區，列舉於左，以供參考

一，漢水流域 巴山山脈以北 秦嶺山脈以南

二，渭水流域 秦嶺山脈以北 岐山以南

三，涇水流域 岐山以北 荆山以南

四，北洛水流域 荆山以北 梁山以西

五，延水流域 梁山以北 橫山以南

六，大理河無定河流域 橫山以北

漢水流域爲漢中平原，渭水流域爲關中平原，以上二處皆大平原，其餘各流域：多小平原，或谷地。

陝西河流皆自西向東，中間有山脈隔斷之，故南部北部之河流不相聯絡，不能調節氣候，雙方之風俗習慣，受天然限制，南北各異。

就山川之自然形勢劃分之：秦嶺山脈爲天然界限，中分陝西爲二部。南部氣候較溫和，北部氣候較寒冷，南部風少，北部風多，南部雨量較豐盈，

北部雨量甚缺乏，南部多森林，北部多童山，南部多泉水河，北部多兩水河，南部多種稻，北部多種麥，南部之人食米，北部之人食麵，南部之人睡床，北部之人睡炕，南部之交通機關用船與轎，北部之交通機關用車與馬，南部之人出恭用馬桶，北部之人出恭用糞坑，南部房屋較爲華麗，北部房屋較爲樸素，南部風俗較爲奢侈，北部風俗較爲儉約，南部之人較爲開通，北部之人較爲固陋，南部之言語風俗，近於四川湖北，北部之言語風俗，近於山西河南。

第三節 政治區域

就山川自然形勢劃分之：秦嶺山脈以南，天然爲一特別區域，以漢水爲交通機關，與湖北北部相聯絡。唐初分天下爲十道時：分陝西南部湖北北部爲一區，一陝西漢中道湖北襄陽道即漢水流域全部——其分區法極爲自然。現在併漢水上流域於陝西省，係承襲元明清舊制，其分區法極不自然。茲試將當代政治區域及歷史上之政治區域列舉於左，以供參考：

一、當代政治區域

秦嶺山脈以南漢水流域爲漢中道，秦嶺山脈以北渭水流域涇水流域及北洛水流域爲關中道，荆山梁山以北；洛水上流流域延水流域及大理河無定河流域爲榆林道。

二、歷史上之政治區域

禹貢：漢中道隸梁州，關中道榆林道隸雍州。

戰國時代：漢中道屬楚，關中道屬秦，榆林道屬魏。

秦始皇帝時：分天下爲三十六郡，漢中道爲漢中郡，關中道爲內史郡，榆林道爲上郡。

漢武帝時：分天下爲十三部。漢中道隸益州刺史部，關中道隸司隸校尉部，榆林道隸并州刺史部。

三國時代：漢中道屬蜀，關中道榆林道屬魏。

晉武帝滅吳以後：分天下爲十九州，漢中道隸梁州，關中道榆林道隸雍州。

○ 南北朝時代：漢中道屬南朝，關中道榆林道屬北朝。

唐興：分天下爲十道，漢中道隸山南道，關中道榆林道隸關內道。

○ 宋初：分天下爲十五路，漢中道隸四川路，關中道及榆林道南部隸陝西路。

南宋時代：漢中道屬宋，關中道及榆林道南部屬金，榆林道北部屬夏。

元初：分天下爲十一行中書省，三道俱隸陝西行中書省。

明初：分天下爲十三承宣布政使司，三道俱隸陝西承宣布政使司。

清初：分天下爲二十二省，三道俱隸陝西省。

民國成立：因元明清舊制，劃分三道，俱隸陝西省，是爲現在政治區域之起原。

陝西之地勢



第二章 陝西在中國文化史上所佔之位置

第一節 文化發源地之簡單條件 世界之文化發源地

中國之文化發源地

陝西爲中國文化發源地之一，文化發源地之簡單條件，大略如左：

一，氣候——溫和

——甲，土脈肥沃 宜於農業

二，土地——乙，河流錯雜 便於交通或灌溉

——丙，幅隕遼濶 可以供給多數人口之增殖

申言之；即緯度宜在亞熱帶或溫帶之中，地形爲一大平原，中有大河流貫其中，足供多數人口之繁殖者是也。試以左列條件按之於東半球首先開化之國家，列表於左，以供參考：

國名 氣候 土地

埃及 熱帶 尼羅河流域平原

美索波達米亞 亞熱帶 歐夫拉底士河底格里士河流域大平原

印度 亞熱帶 恒河印度河流域大平原

中國 溫帶 黃河流域大平原

中國文化發源地爲黃河流域，因其時代之先後，可分爲三處。

一，黃河下流流域，卽淮水北岸之潁水，肥水，汝水，沂水等河流域，

伏羲，神農以前之漢族分布地。

二，黃河中流流域，卽河南之汴水，洛水，河北之沁水，河東之汾水等

河流域，黃帝，少昊，顓頊，帝嚳，唐，虞，夏，商時代之漢族分

布地。

三，黃河上流流域，卽陝西之涇水，渭水流域，周代漢族分布地。

陝西所以能發生文化之原因如左：

一，渭水流域之氣候，寒暖適中。

二，渭水流域皆黃土層，土脈肥沃，宜於農業。

三，渭水流域爲一大平原，可以容多數人口之繁殖。

四，涇水，漆水，沮水，澧水，灃水，澧水等河交流其中，可利用之以灌溉，或交通。

第二節 陝西在中國文化上之創造品

陝西在中國文化上發明之創造品甚多，茲試簡單列舉其最著名者於左以供參考：

一，著作

甲，周易一小部分。周易十翼之中，彖爲文王所作，象爲周公所作，此儒教書籍中研究哲學者之始。

乙，尙書一大分部。周書全體，虞書及夏書之禹貢，似亦周初所作，大體係政府公報體裁，然中國最古之史書實始於此，禹貢則周初之地方志也。

丙，詩經一大部分。國風中之周南：除去喬木篇爲湖北人所作，汝墳

篇爲河南人所作外，其餘似皆陝西人所作；召南：除去江有汜篇爲湖北人所作外，其餘亦大概係陝西人所作。王風中當有一小部分，爲陝西出身之遺老隨周平王東遷洛陽者所作。豳風全體，小雅全體，大雅全體，周頌全體，皆陝西人所作。此爲中國韻文之始，——前此僅有卿雲歌康衢謠等數篇而已——在中國文學史上，占最重要位置。

丁，周禮。此爲周朝法典，爲以後中國歷代政府所遵守，其所創之六官制度，至清末年始改革，奄人制度，至清亡後始廢止。

戊，通典。唐宰相杜佑著，爲研究中國文化史者之重要參考書。

己，鳩摩羅什，玄奘所譯之佛教經典。鳩摩羅什龜茲人，玄奘陳留人，皆非陝西人也；然主動者一爲後秦君主姚興，一爲唐太宗及高宗，幫助者爲當時政府，完成此大事業實在長安，此爲佛教經典集大成之始，後來之研究佛教哲學者皆祖述之。

此外著述甚多，茲不具述。

二，制度

甲，郡縣制度。秦始皇統一六國後，廢封建，設郡縣，是爲中國政府中央集權之始。

乙，頒田制度。井田之法，孟子僅有此理想，周代迄未能實行。西魏宇文泰當國，摹倣周制創行之，有唐初年重加修改，法乃大備，爲實行均貧富之良法。

丙，徵兵制度。亦宇文泰所創，行於西魏，北周因之，唐初加以修改，法乃大備，爲近世歐洲列強所祖述。

此外良法尙多，茲不具述。

三，建築

甲，宮闕。秦之阿房宮，甘泉宮，望夷宮，漢之長樂宮，未央宮，建章宮，隋之大興宮，唐之西內太極宮，東內大明宮，大安宮，華

清宮。

乙，苑囿。周之靈臺，靈沼，靈囿，漢之上林苑，昆明池，博望苑，樂遊苑，隋之芙蓉園，——古曲江——唐之禁苑，東內苑及凝碧池。

丙，祠宇寺觀。周秦以前之三皇祠，成湯廟，文武成康祠，老子祠，漢之五嶽廟，高帝廟，武帝廟，晉之草堂寺，——鳩摩靈什譯經處——隋之大崇仁寺，唐之安慶寺，慈恩寺，興教寺，——二寺皆玄奘譯經處——薦福寺，宋之寇萊公祠，范文正公祠，張子祠，太平興國觀，元之二郎廟，圓通寺。

丁，陵墓。周之文王陵，武王陵，成王陵，康王陵，穆王陵，幽王陵，周公墓，戰國時藺相如墓，秦始皇帝陵，二世皇帝陵，漢高帝長陵，文帝霸陵，武帝茂陵，昭帝平陵，宣帝杜陵，平帝康陵，韓信墓，陳平墓，霍光墓，唐高祖獻陵，太宗昭陵，肅宗建陵，

代宗文陵，楊貴妃墓，柳公綽墓，李國貞墓，宋寇準墓。

此外尚有最大建築物一座，即歷史上最著名之萬里長城，其基址不盡在陝西，其工程亦非盡出於陝西人手，然發縱指示者爲秦始皇帝，監工員爲蒙恬，此空前絕後之大建築，實陝西人之心血造成者也。

四，器具 筆爲蒙恬所造，此最有功於中國文化者也。

第三節 陝西當代之文化

歷史上陝西之文化，誠爲光輝燦爛，現在陝西之文化如何？此讀者諸君所急欲問者也。著者對於陝西無豐富經驗，茲試就著者到陝以後十餘日之中，目所見，耳所聞及心所感觸者；略舉於左，以供參考：

一，實業

二，教育

三，市政

四，交通機關

五，宗教

六，風俗

七，古蹟及古物

以上各項，俱見於陝西旅行記第二章中，茲從略。

第四節 陝西文化退步之原因

陝西文化退步之原因，以著者個人推測所及，略述之於左：

一，森林斬伐之結果

中國無林學知識，對於森林，有斬伐，無培植。自周秦以來，陝西久已開化，人口繁殖，建築及燃料所需之木材甚多，保護林絕無，森林斬伐遂盡。因而水準面低下，水源地涸竭，泉水河變爲雨水河，夏秋泛濫，流入河南河北境內，陝西地勢高，水流急，故不爲本省之害。一爲農田之害，冬春涸竭，不能利用之以灌溉，或交通。陝西距海遠，黃海及渤海灣之水蒸氣，非有大東風，不能飛至陝西；偶爾有大

東風，又往往通過陝西，飛入甘肅境內；故非大熱之後，有大東風，隨轉西風，不能降雨。非水蒸氣騰至最高處，不能越過太行外方二山脈，則雨將落於直隸山西河南境內；偶爾騰至過高處，又將變爲冰雹；故陝西盼雨甚難，地方不耐旱，歷史上所載大飢人相食之事，陝西甚多。

二，人民苟安之結果

中國爲內亂頻繁之國，陝西又爲外族侵入者必爭之區，北有蒙古民族，西北有突厥民族，西南有西藏民族，屢相侵擾，歷史上無百年不戰之事。故官吏存五日京兆之心，人民有得過且過之想，不肯積極的研究，或整理。

三，中國首都遷移之結果

陝西交通不便，輸入輸出甚難，漢唐建都長安，以國家全力經營之，僅得維持局面。自隋開運河，而中國之中心點移於開封，女真，蒙古

，滿洲侵入中原，而中國之中心點移於北京；陝西僻處西方，非全國精華薈萃之區，歷代君主及政府，不肯積極的用全力維持，故舊有之物質的文化，逐漸退步。



第三章 陝西在中國政治史上所佔之位置

第一節 帝王發祥地之簡單條件 中國境內之帝王發祥地

陝西爲中國帝王發祥地之一，帝王發祥地之簡單條件，大略如左：

一，民族……性情慍悍 富於團結力 富於服從性

二，地勢……爲大平原 中央有河 便於交通 四圍有山 便於扼守

三，氣候……寒暑不甚烈 熱帶之人惰懶 寒帶之人委瑣 不能出偉大人

物

中國境內之帝王發祥地如左：

一，渭水流域 周，秦及北周。

二，淮水流域 漢，劉宋，明。

三，漢水流域 東漢。

四，汾水流域 唐，後唐，後晉，後漢。

五，黃河套 南匈奴，前趙，夏，西夏。

六，錫拉木倫老哈木倫流域 東胡，鮮卑，契丹。

七，牡丹江松花江流域 渤海，女真。

八，鴨綠江流域 箕氏朝鮮，衛氏朝鮮，高句驪，滿洲。

九，幹難河克魯倫河流域 蒙古。

十，圖拉河鄂爾渾河流域 匈奴。

渭水流域所以能爲帝王發祥地之原因如左；

- 一，陝西民風强悍，富於團結力及服從性。——請觀春秋戰國時代之秦風
- 二，渭水流域，爲中國本部一大平原，中央有涇，渭，漆，沮等水，便於灌溉及交通。東有崤山，南有秦嶺及巴山，西有嶓冢山，隴山及六盤山，北有陰山及賀蘭山，便於扼守。

第二節 中國歷代政治史上之陝西

陝西在中國政治史上之位置，茲分代述之於左：

一、周室勃興時代之陝西

唐虞夏商時代：陝西在政治史上，無甚重要關係。然太古時代，我先民由帕米爾高原東下時，實先到陝西，且經由陝西，始到河南河北也。周室勃興，憑藉陝西爲根據地，東向以滅商，是爲陝西漢族征服中國全國之始。當時周之與國，爲庸，蜀，羗，豳，微，盧，彭，濮八國，皆西方民族。周之敵國，爲奄與淮夷，徐戎等五十餘國，皆東方民族也。周室舊根據地，本在關中道西北部涇水南岸之邠縣，後來因避免蒙古民族獯鬻人之騷擾，遷到關中道西部渭水北岸之岐山縣。周之先人古公亶父，周公季歷，西伯昌，皆英主，先取漢中，徇漢水江水流域，皆下之。昌之子武王發，遂因人心之厭亂，滅商而有天下，遷都於咸陽。一文王都豐，武王都鎬，成王以後都宗周，皆在咸陽境內。——是時陝西北部，已有蒙古民族之獯鬻——雜居，西部已有西藏民族之犬戎雜居，時常侵擾周室。至西

周晚年，幽王在位無道，犬戎遂攻破宗周，弑王於驪山下，西周亡，凡傳十二世，三百五十一年，是爲漢族君主爲異族戕害之始。

二、秦室勃興時代之陝西 崤函對陝西之關係 漢中在陝西之價值

當時西方有一小侯國曰秦，秦之根據地，原在甘肅渭川道天水縣，後移陝西關中道寶雞縣。周幽王既被弑，其子平王卽位，棄陝西，東遷洛陽；臨行時，以西周畿內之地封秦襄公，命圖恢復。襄公及其子文公皆英主，與犬戎相持二十年，遂破戎兵，恢復西周舊地；從此以後：秦累世多英主，在陝甘境內擴張勢力，蠶食戎人部落；傳到第九代之君主穆公，遂兼併西戎二十國，創立大國，號稱五霸之一，於是秦之根據地漸鞏固，遂東下爭霸於中原。

秦之勢力範圍直抵潼關，潼關以西，爲陝西之渭水流域平原，以東爲河南之崤山山脈北麓。自潼關東下，經閿鄉縣，靈寶縣，凡一百八十里，而至

陝縣；閿鄉之東，靈寶之西，有谷道數十里，兩傍峭壁插天，中有一路可通行人，是爲函谷關。由陝縣東下，經過張茅鎮，峽石驛，凡一百二十里，而至觀音堂；中間亦有谷道數十里，其險峻與函谷關等，古所謂崤函之險者是也。春秋時代，此地屬晉，秦人東下，屢在此地爲晉所敗，卒不能達到窺河南目的。戰國時代，三家分晉，此地屬魏。秦第二十六代君主惠文王在位，使張儀將兵伐魏，取黃河北岸之蒲陽。——今山西河東道蒲縣事在周顯王四十一年。西歷紀元前三二八年——越四年，周顯王四十五年西歷紀元前三二四年——由山西南渡河，取陝。守函谷關之魏兵，後路斷絕，不攻自破，於是崤函之險入於秦。秦人出兵函谷關，東窺洛陽平原，包東周於勢力範圍內，在河南開封道新鄭縣建都之韓，在開封縣建都之魏皆自危。韓在魏西，先被秦禍，乃悉國內重兵西守宜陽，——今縣名。在洛陽西南——扼秦人東下之路。周赧王八年，秦左丞相甘茂，悉國內重兵攻宜陽，圍困一年，拔之，於是韓人西門之鎖鑰破；韓人乃以重兵守洛陽城南之

伊闕山脈，魏亦顧念大局，發兵助守；周赧王二十三年，秦左更白起，大破韓魏聯軍於伊闕，斬首二十四萬，拔五城，於是第二層要塞又破。秦人勢力包洛陽平原東下，直抵虎牢關，韓魏西境無險可守，大局遂不可爲矣。

秦人既得志於東，遂分兵南越秦嶺山脈，經畧漢水流域。周赧王三年，西歷紀元前三一三年——秦庶長章大破楚師於丹陽，——丹水之陽在今漢中道商南縣境內——虜其大將屈匄，乘勝發兵南下，取漢中，於是漢水上流之地入於秦。周慎靚王五年，四川東部建國之巴，西部建國之蜀相攻，俱告急於秦；秦惠文王從司馬錯計，起兵伐蜀，滅之，於是揚子江上流亦入於秦。秦人盡據江漢上流，乘高屋建瓴之勢，東向以臨楚，楚之西境無險可守，大勢遂不能支。至秦第三十一代君主始皇帝在位之時，遂盡滅關東六國，統一中國，是爲第二次憑藉陝西建立之帝國。可惜始皇帝對內對外政策，全用高壓手段執行，引起人民惡感；二世皇帝昏庸暴虐，爲宦官趙高所

統。故秦統一列國後；僅傳三世，十五年而亡，遂變爲楚漢競爭之天下。計秦室統一中國之原因如左：

一，秦居關中，據上游，扼地勢之要害。

二，秦居西北，與戎狄爲鄰，生存競爭之結果，民風尙武，民氣勝於六國。

三，秦歷代多英主，能招賢才而登庸之，不拘資格，不論親故，故能吸收六國之人才使爲己用。

四，秦之對外政策，有一定之方針，歷代皆循此預定之方針進行，不輕易變更，與六國之朝秦暮楚，無一定之目的，動輒受人愚弄者異。根據以上第一條，知陝西地勢之形勝，第二條，知陝西民風之尙武，第四條，知陝西士氣之沈着。凡此皆與陝西地理有密切關係者也。

三、楚漢戰爭時代之陝西

始皇崩後，中原大亂，六國遺民羣起叛秦。當時淮水流域有二大英雄，一

名劉邦，一名項籍，率領楚國遺民滅秦。項籍兵強，自爲盟主，任意瓜分天下，封建諸侯。自立爲西楚霸王，王淮水流域九郡，都彭城；——今江蘇徐海道銅山縣——而立劉邦爲漢王，王巴蜀漢中，都南鄭；——今陝西漢中道南鄭縣——三分秦嶺山脈以北之故地，王秦三降將，以塞漢王北上之路。漢王以韓信爲大將，征服三秦。留丞相蕭何守陝西，自引大兵東下，略定河南河北，與項籍相持於滎陽成皋——今河南開封道滎陽縣汜水縣一帶——間。苦戰五年，卒滅項籍，統一中國，是爲第三次憑藉陝西建立之帝國。計楚漢興亡之原因如左：

一，漢高帝出身微賤，久經患難，備嘗艱苦，通達世事人情，有籠絡人才手段，駕馭羣雄能力。項籍出身貴族，年少，性暴，不知世故，無知人之能力，無將將之手腕，僅有一范增而不能利用，故卒無成功。

二，漢之根據地在陝西，據山河形勝，東向以臨天下，其勢易。楚之根

據地在江北，據淮水下流，西向以爭天下，其勢難。

三，漢高帝困守滎陽成皋間數年，而其大將韓信所將之偏師，已略定山西河北山東，收各處兵馬，由北東南三面夾擊楚。項籍攻圍滎陽成皋數年，而其淮北根據地，數爲漢將彭越襲擊，猛將勁卒多戰沒，諸將多怨叛，籍數回救根本，疲於奔命。

四，漢兵困守滎陽成皋，取敖食粟以給軍，故糧足而軍氣壯。楚之積聚數被彭越焚掠，故糧乏而士苦飢。

五，項籍弑義帝，天下所共憤。漢高帝號召諸侯，爲義帝討項籍，群情之所歸。

六，漢高帝寬厚，民心趨向。項籍驕暴，民心厭惡。

根據以上第二條，可以知陝西地勢之形勝。

四、匈奴侵入時代之陝西 綏遠對陝西之關係

自漢高帝統一中國後：傳十三世，二百一十年，而爲王莽所滅；王莽篡位

後，經過十六年，而爲光武帝所滅；陝西長安爲中國首都凡二百二十六年，中間雖屢有變亂，然大體總算小康，渭水流域爲中國政治及文化上之心點，聲名文物，卓然可觀。可是蒙古民族所建立之匈奴國人時常來騷擾，匈奴爲獯鬻獫狁之後，其根據地在外蒙古中部，其勢力範圍伸張到綏遠及甘肅北部。——寧夏甘涼安肅三道——陝西關中道之南有秦嶺山脈，漢中道之南有巴山山脈，其形勢極爲險要，界劃極爲分明。榆林道之北爲河套平原，黃河經流其間，灌溉區域頗廣，土脈肥沃，宜於農業及牧畜；其北爲陰山山脈，西爲賀蘭山山脈，有險要可以扼守，宜於殖民或屯田；而河套平原與榆林道中間，僅有橫山一矮山脈，無定河一小河流，地勢平衍，無險要可扼守，故在陝西建都之國家，欲守陝西，不能不守綏遠。秦始皇統一中國後，曾遣大將蒙恬，擊走匈奴，收復綏遠，分爲雲中——今綏遠東部——九原——今綏遠西部——二郡。楚漢戰爭之際：匈奴乘中國內亂，復據綏遠，由西北兩方面侵擾陝西，高惠文景四帝在位時代，中國疲於奔命。不得

已，用和親政策羈縻之，匈奴仍時常來侵寇。武帝在位，以衛青霍去病爲大將，擊敗匈奴兵，元朔二年，——西歷紀元前一二七年——取綏遠，置朔方——今綏遠西部及甘肅寧夏道——新秦中——今綏遠中部——郡，元狩二年，——西歷紀元前一二一年——取甘肅西北部，置武威張掖——二郡即今甘涼道——酒泉燉煌——二郡即今安肅道——四郡，於是陝甘西境有險可守，漢廷始安枕矣。宣帝在位，匈奴內亂，五單于——匈奴君主之稱——爭立。當時有一名呼韓邪單于者，借重漢室威靈，統一國內，稱臣納貢，身自入朝，娶元帝後宮良家子歷史上有名之美人王嬙爲閼氏，——匈奴皇后之稱——是爲匈奴君主稱臣納質於中國之始。光武中興以後，匈奴內亂，中分爲二，南匈奴降漢，內徙五原，——今綏遠五原縣——於是匈奴人復雜居綏遠，山陝北境無險可守。當時中國武力甚強，朝廷置度遼將軍，使匈奴中郎將，屯兵於河套以監護南匈奴，因此匈奴不敢蠢動。至三國時代，中國內亂，血戰數十年，漢族筋疲力竭，匈奴遺族之劉淵乘機作亂，五胡亂華之禍從此始矣。

五、蜀魏對峙時代之陝西 秦嶺山脈在戰爭時之價值

三國時代，漢中道屬蜀，關中道以北屬魏，雙方以秦嶺山脈爲界。蜀漢丞相諸葛亮屢出兵經畧渭水流域，謀恢復中原，未及成功而亮卒；蜀卒爲魏所滅，魏旋爲晉所篡，晉復滅吳，統一中國；當時陝西爲戰爭之場，在文化上無大發展。然諸葛亮屢次伐魏，未能成功，實以轉餉艱難之故；鍾會平行入漢中，實因蜀兵卻屯漢壽，——今四川嘉陵道昭化縣南——在劍閣北——分屯漢城——今漢中道沔縣——樂城，——今漢中道城固縣南——不守陽平關——故城在今沔縣西北——之故，秦嶺山脈在戰爭時之價值概可知矣。

六、五胡亂華時代之陝西 匈奴鮮卑氐羌之割據

晉室統一中國之後：武帝荒淫，惠帝庸暗，賈后淫虐，弑姑，殺子，剪除異己之大臣，引起八王之亂。宗室諸王自相殘殺，前後亘十六年，黃河流域民不堪命。匈奴遺族劉淵乘機內犯，攻據山西平陽，自稱漢帝。其子聰在位，攻破洛陽，弑晉懷帝，復攻破長安，弑晉愍帝。其侄曜遷都長安，

改國號趙，是爲前趙，於是陝西中部北部皆爲匈奴人所有。劉曜旋爲其部將石勒所滅，於是陝西入於後趙。石氏衰亡以後，氐人苻健據陝西，國號秦，是爲前秦，於是陝西入於西藏民族之手。其侄堅統一黃河流域，於是長安復爲中國北部首都。前秦衰亡之後，陝西入於西藏民族羌人姚萇之手，國號秦，是爲後秦。東晉末年，宋武帝劉裕爲晉大將，率師滅後秦，恢復陝西，班師以後，旋爲劉淵遺族赫連勃勃所陷，國號夏，於是陝西復入於匈奴人之手。夏旋爲拓跋魏所滅，陝西入於通古斯蒙古混血族鮮卑人之手，黃河流域復歸一統，陝西內地復得小休矣。

七、南北朝時代之漢中

自劉淵叛晉以來：陝西中部北部爲匈奴氐羌鮮卑人競爭之場，文化當然退步。劉淵赫連勃勃拓跋魏之根據地，皆在綏遠一帶，故侵入陝西甚易；而漢中道僻處秦嶺以南，始終附屬於揚子江流域建國之國家，一初爲巴氏成李氏所陷，後爲東晉所恢復——未入於北方民族之手。自此以後，經過南北

朝時代，前後二百年間，——東晉初年至梁初年——漢中道大抵在南朝之手；梁武帝天監四年，——西歷紀元五〇五年——後魏乘齊梁更迭之際，南朝內亂，取漢中；梁元帝承聖二年，——西歷紀元五五三年——西魏復乘梁室內亂，取成都；於是揚子江漢水上流流域皆入於北朝，南朝亡國北朝混一之機伏於是矣。

八、隋唐時代之陝西 陝西與甘肅之關係

後魏分裂以後，西魏以長安爲首都，宇文氏據此爲根據地，東滅北齊；隋室篡周，復滅陳，於是長安復爲中國首都者三百七十九年。——西魏二十五年——北周二十五年——隋二十九年——唐二百九十年——隋亡，唐興，仍都長安，扼陰山山脈，築三受降城，置振武軍於綏遠，天德軍於五原，朔方節度使於寧夏，以守綏遠，置河西節度使於武威，隴右節度使於西寧，以守甘肅，於是西北兩面守備皆固，陝西不被兵者百餘年。安史之亂，封常清敗於虎牢，棄崤山之險，奔陝州；高仙芝復棄函谷關之險，自陝州退保潼關

；祿山前鋒平行至潼關，朝廷復不聽哥舒翰堅守潼關之策，而督促其出戰；遂敗於靈寶，潼關陷落，玄宗棄長安，出奔成都。肅宗收兵靈武，——今寧夏——以朔方節度使郭子儀爲大將，調河西隴右兵東討賊，雖戰勝攻取，陸續恢復兩京，而河隴空虛，當時在青海西藏境內西藏民族所建立之帝國吐蕃乘釁東侵，盡取甘肅蘭山，渭川，西寧，甘涼，安肅等道，扼隴口及六盤山脈，東窺渭水流域平原，陝西西部無險可守，處處被兵，唐室疲於奔命。宣宗在位，吐蕃內亂，國勢大衰，河隴境內漢族人民及吐蕃守將，相繼據地來降，甘肅復爲唐室所有；唐置歸義軍於燉煌，天雄軍於天水，以守甘肅；然張掖爲突厥民族之回紇所據，餘州亦多爲羌胡所據，事實上甘肅已成外國人之殖民地，陝西西境北境爲外人雜居地，從此以後，陝西文化遂逐漸退步矣。

九、宋夏對峙時代之陝西 党項之侵入

先是有唐初年，征服青海，青海東南有部落名党項，係西藏民族所建，其

酋長拓跋赤辭以其衆來歸，詔以其部落爲西戎州，授赤辭都督。其後吐蕃強盛，拓跋氏漸爲所逼，遂請內徙，詔移其部落於慶州，——今甘肅涇原道慶陽縣——其後裔析居夏州，——今榆林道橫山縣——號平夏部。唐末，其苗裔拓跋思恭爲夏州刺史，助河東節度使鄭從讜討大盜黃巢，有戰功，授定難軍節度使，統夏綏——今榆林道綏德縣——銀——今榆林道米脂縣——宥——初治在今鄂爾多斯右翼前旗——後移治陝西靖邊縣——靜——今榆林道靖邊縣——五州，賜姓李，於是榆林道北部入於党項人之手。傳九世，五十年，——西歷紀元八八三至九三二——經過後五代之亂，始終保持其土地未失。宋太宗太平興國七年，——西歷紀元九三二年——中國內部已統一，其嗣位之節度使繼捧以其地來歸，其族弟繼遷不從，襲據銀州以叛。繼遷陰狡，頗能撫御其人民，外結契丹爲援，與宋相持，宋朝當國者多書生，處置失宜，遂令繼遷坐大。傳子德明，孫元昊，屢敗宋兵，盡取綏遠全境及陝西榆林，甘肅寧夏，甘涼，安肅等道，南阻河，北依賀蘭山陰山爲固，定都寧夏，自稱大夏

皇帝，於是陝西北部出一敵國。宋人分陝甘南部爲六路，一熙河 秦鳳 涇原 環慶 鄜延 永興軍路——置經略使以禦之，終北宋一代無制勝之策，僅恃議和以款之而已。

十、宋金對峙時代之陝西 陝西三道之分裂

女真勃起於吉林，滅北宋，盡取黃河流域，劃秦嶺山脈與南宋分界，於是陝西全境分隸三國，南部屬宋，中部屬金，北部屬夏。金將兀朮，撒離喝，屢欲突過秦嶺山脈，占領漢中，爲宋將吳玠吳玠所扼而止。秦嶺山脈在戰爭時之價值可知矣。

十一、元代之陝西 陝西三道之合併

蒙古勃興，先滅夏，次滅金，又滅宋，於是陝西全境統一於元。元置行中書省，行御史臺於陝西，管理并監督行政。元之地方行政機關，僅有行中書省十二，監政機關，僅有行御史臺二，而陝西各有其一，其重視陝西可知矣。

十一、明代之陝西 蒙古之侵入

有明勃興，驅逐蒙古於漠北，置陝西布政使司爲行政機關，按察使司爲司法機關，都指揮使司爲軍政機關，在甘肅東北部置寧夏鎮，綏遠東部置東勝衛，——今東勝縣——山西西北部置偏頭關——今雁門道偏關縣——，屯重兵以守之，於是陝西北部藩籬漸固。中葉以後，軍政廢弛，英宗天順六年，——西歷紀元一四六二年——蒙古後裔韃靼酋長毛里孩入據河套，自是韃靼反居內，而明兵反屯外，陝西北境無險可守，處處被兵，朝廷禦寇不暇。憲宗成化九年，——西歷紀元一四七三年——總督延綏軍務王越襲破韃靼於紅鹽池，——在今榆林道西北寧夏道東北黃河套內——韃靼酋長滿都魯等棄河套北歸，陝西稍得安枕。世宗嘉靖年間，韃靼酋長吉囊，俺達復入居河套，騷擾陝西數十年；吉囊卒後，俺達年歲亦高，又崇拜佛教，禁止殺生，始就撫，封順義王，名所居城曰歸化城，由是西陲無警。

十三、清代之陝西

有清勃興，蒙古諸部落先後就撫，朝廷分河套蒙古爲鄂爾多斯，烏喇特等旗，置綏遠將軍監理其行政，又於甘肅東北，置寧夏將軍以鎮撫之，用喇嘛教以融化蒙民，漸改其殺伐之性，陝西北境，在有清時代，所以不被蒙古侵畧者，實融合之力也。

十四、當代之陝西 回教徒之雜居

自西周以來，陝西北部有蒙族之獯獯鬻鬻雜居，西部有藏族之犬戎雜居，爲漢蒙藏三族文化上接觸之中心點及武力上衝突之中心點，卒釀成驪山之禍。漢興，陝西北部有匈奴雜居，西部有氐羌雜居，釀成五胡亂華之禍。唐興，陝西北部有党項雜居，西部有吐蕃雜居，釀成西夏之禍。然以上各國，無論其爲蒙族，或藏族，無論其爲大國，或小國，無論其爲征服者，或被征服者，久之皆同化於漢族則一也。獨回教徒一派，大體係突厥民族中之回紇遊牧帝國苗裔，安史之亂，援唐有功，一部分留居中國，武宗時代，回紇衰亂，前後自拔來歸者十餘萬人，詔分隸於各道，而留居關

中者最多。自此以後，休養生息於中國，食毛踐土千有餘年，雖言語風俗多同化於漢族，而保守其宗教儀式，卒不肯完全同化於漢族。此一族人民性情，慍悍猛鷲，喜爭鬪，好殺伐，富於執着性及團結力，而缺乏忍耐性及研究心。因飲食關係，不能與異族結婚，不能與異族合作，故血統與漢族卒不混合，而所就之職業，有一定範圍，無向上改良之機會。因而貧者多，富者少，時常挺而走險，作孤注一擲之舉，以解決麵包問題，其事可誅，其情可憫矣。此一族自有清以來，時常結合團體，與漢族起衝突，因而釀成大亂之事，時或有之；民國成立以來，對於融化漢回意見問題，卒無暇顧及，此則當局者所宜注意者也。

結論

綜合以上所述，約得概念如左。

一，陝西東方以崤函爲第一重門戶。崤函失守則潼關危，唐玄宗時代安史之亂——崤函爲敵國所有，則咽喉梗塞，不能出潼關一步。春秋時代百里孟明視之敗——故憑藉陝西立國之國家，欲經略東方，不得不先取崤函，欲保守潼關，不得不兼守崤函。

二，陝西南方以秦嶺山脈爲第一重要塞，以巴山山脈爲第二重要塞，以漢水爲交通機關，保有陝西之國家，能扼守秦嶺，則關中不至失守；三國時代蜀魏交爭之際——能畧取漢中，則可以經畧東南；——戰國時代秦之對楚——南北朝時代魏之對梁——能突過巴山，則可以占領四川，由揚子江順流東下以取湖北。——戰國時代秦對楚——三國時代晉對吳——南北朝時代隋對陳——唐初李靖對梁蕭銑——

三，陝西西方以隴山脈，六盤山脈爲城壁，狄道縣，靜寧縣，固原縣爲門

戶，故建國於陝西之國家，能扼守狄道，靜寧，固原諸孔路，則國可以存，并可向西方發展；——光武帝對隗囂——否則陝西西境無險可守，到處苦兵。——唐中葉以後對吐蕃——

四，陝西北方與綏遠聯接爲一大平原，中間無險可守，綏遠爲外人所有，則陝西北境到處被兵。——周初之對獫狁——漢初之對匈奴——北宋之對西夏——明中葉以後之對韃靼——綏遠爲陝西所有，則可以北扼陰山，西北控賀蘭山，以拒外國。——秦始皇之雲中九原郡——漢武帝之朔方新秦中郡——有唐之朔方一鎮——天德振武二軍——三受降城——故建國於陝西之國家，欲保陝西，不能不守綏遠。

五，陝西對東南方，常居主動地位，常占優勝地位，故憑藉陝西立國之國家，常能併吞東南，創立一統之大帝國。——三代時周對商——戰國時秦對六國——楚漢戰爭時漢對西楚——五胡十六國時代前秦對前燕——南北朝時代北周對北齊——隋對陳——

六，陝西對西北方，常居被動地位，常占劣敗地位，故憑藉陝西立國之國家，能保有甘肅綏遠，則國可以存，能兼有新疆，則國可以強，——漢唐全盛之際——否則日受外人騷擾，將無寧宇。——周初之對玁狁，漢初之對匈奴，有唐中葉以後之對吐蕃，北宋之對西夏，明之對韃靼等皆是——

現在陝西在中國之位置

自歐美文化輸入以來，東南沿江沿海各省，變爲中國文化之中心點；陝西僻處內地，與外國文化不直接接觸，就當代文化史觀之，陝西似無足重輕也。然陝西爲中國固有文化之發源地，又爲西北方面重鎮，保守固有文化，而發揮光大之，輸出外來之文化於綏遠，甘肅，新疆各省區，以開闢西北草昧，北陝西士大夫應盡之義務也。就政治方面觀察：當今中國本都交通機關，爲京漢，津浦，隴海鐵路及揚子江船路之四大幹綫，鄭州，徐州，武漢，江寧四處實扼其咽喉，鄭州武漢雄據上游，尤爲用兵者必爭之地

。此二處地處平原，宜進取不宜退守，可戰勝不可戰敗，故欲守鄭州，宜置根據地於洛陽，欲守武漢，宜置根據地於襄陽，此二處四圍有山，可以扼守，中央有平原，可以發展，洛陽由隴海鐵路可以直通鄭州，襄陽由漢水船路可以直達漢口，一有警急，援兵朝發夕至，實為理想上之中原用武地。然襄陽之交通機關，遠不如洛陽之迅速，故洛陽實當今經略中原者必爭之地。陝西僻處內地，與洛陽雖比鄰，而交通機關遲鈍，非用武之地；然苟欲自守，則崤函一閉，敵兵雖衆不容易侵入，人民差可安樂，地方差可寧闕，不失為世外之桃源也。惟本地土產，頗不足自給，小麥之收穫量，雖供給居民之食料有餘，而木材缺乏，石炭缺乏，燃料及建築材料俱感不足。棉花之收穫量雖不少，而紡紗織布之工廠皆無，衣料概仰給於自外輸入之布疋，此亦絕大漏卮也。用陝西之所長，補陝西之所短，吸收外來文化，創辦內地事業，不求速效，不務虛名，成丹者火候到，有志者事竟成，是所望於今之當局者。民國十三年七月三十三日脫稿八月四日改正